



中武
82
43



附
卷 82
卷 49

問氏
杏庭

問氏
杏庭

幼科證治準繩集之二

金壇王肯堂字泰甫輯

肝

錢肝主風 實則目直大叫呵欠項急頓悶 虛則
 咬牙多欠氣熱則外生氣溫則内生 肝病哭叫目
 直視呵欠頓悶項急 外生感風呵欠頓悶口中氣
 熱當發散太膏主之若能食飲水不止當大黃丸
 微下之餘不可下 肝熱手尋衣領及亂捻物瀉青
 丸主之壯熱飲水喘悶瀉白散主之 肝有風目連

治肝

治肝

割不搖得心熱則搖治肝瀉青丸治心導赤散 肝
有熱目直視不搖得心熱則搖治肝瀉青丸治心導
赤散 肝有風其身反折彊直不搖心不受熱也當
補腎治肝補腎地黃丸治肝瀉青丸 凡病或新或
久皆引肝風風動而上於頭目目屬肝風入於目上
下左右如風吹不定兒不能任故目連劄也若熱入
於目牽其筋脉兩眦俱緊不能轉視故目直也若得
心熱則搖以其子母俱有實熱風火相搏故也潔古曰肝
主謀勇熱則尋衣捨物目連劄直視不能轉視或極
則身反彊直折皆風熱也目者肝之竅屬木木性急
是故如 肝病秋見日晡肝強勝肺肺怯不能勝肝當

補脾肺治肝益脾者母令子實故也補脾益黃散治
肝瀉青丸主之 肝病春見早晨肺勝肝當補腎肝
治肺臟肝怯者受病也補肝腎地黃丸治肺瀉白散
主之 五臟相勝輕重肝病見秋木旺肝勝肺也宜
補肺瀉肝輕者肝病退重者唇白而死 屢五臟相
勝病隨時令乃錢氏擴充內經藏氣法時論之旨實
發前人所未發者也假如肝病見於春及早晨乃肝
自病於本位也今反見於秋及日晡肺之位知肺虛
極肝往勝之故當補脾肺瀉肝也餘倣此 潔肝主
風自病則風搖拘急急食甘以緩之佐以酸苦以辛

散之 實則風搖力大瀉青丸主之 虛則風搖力
小地黃丸主之 心乘肝實邪壯熱而搖利驚丸涼
驚丸主之 肺乘肝賊邪氣盛則前伸呵欠微搖法
當瀉肺先補本臟補肝地黃丸主之瀉肺瀉白散主
之 脾乘肝微邪多睡體重而搖先當定搖瀉青丸
主之搖止再見後證則別立法治之 腎乘肝虛邪
增寒呵欠而搖羌活膏主之 劉凡肝得病必先察
其肺腎兩臟根其病之所起然後審其肝家本臟之
虛實方可治療然腎者肝之母金者木之賊今肝之
得病若非腎水之不能相生必是肺金之鬼來相攻

擊不得不詳審而求之故其來在肺先治其肺攻其
鬼也其來在腎先補其腎滋其根也然後審其肝家
本臟之虛實而寒溫之 薛若肝經實熱而外生風
者宜用太青膏散之若既服而前證仍作或益甚者
此邪氣已去而脾氣虧損也宜用異功散加芍歸補
之若肝經虛熱或因尅伐而内生風者宜用異功散
地黃丸補之若風邪入臟能食飲冷太便秘結者此
邪氣內實也宜用太黃丸下之若既下而食少飲湯
或腹作脹者此脾氣內虛也宜用白朮散補之氣血
素弱或因病後或服攻伐之劑而手尋衣頰咬牙呵

欠目淡青者乃肝經虛甚也急用地黃丸以補腎肝
哽氣短氣長出氣乃肺經虛甚也急用異功散以補
脾肺若申酉時叫哭直視呵欠頓悶項急驚悸手足
搖動發熱飲水者此風火相搏而勝肺金也用柴胡
梔子散以治肝火生肝血用異功散補脾土生肺金
若唇白者為脾絕不治

海肝苦急急食甘以緩之甘草 肝欲散急食辛以
散之川芎 以辛補之細辛 以酸補之芍藥 肝
虛以生薑陳皮之類補之虛則補其母腎者肝之母
也以熟地黃栢補腎如無他證錢氏地黃丸補之

補肝丸四物湯內加防風羌活等分為細末煉蜜為
丸是也 鎮肝丸即瀉青丸去梔子太黃是也治肝
虛錢氏補腎地黃丸 肝實以白芍藥瀉之如無他
證錢氏瀉青丸主之實則瀉其子心乃肝之子以甘
草瀉心

瀉青丸錢氏 又名瀉肝丸

當歸去蘆

龍膽焙

川芎

山梔子仁

川大黃濕紙

羌活

防風去蘆各

右為末煉蜜和丸茶實大每服半丸至一丸煎竹

葉湯同沙糖温水下

薛前方足厥陰經解散肌表疎通內熱之藥也若
大便秘結煩渴飲冷飲食如常者屬形病俱實宜
用此以瀉之若大便調和煩渴飲冷目淡青色屬
病氣實而形氣虛宜用抑肝散平之若大便不實
作渴飲湯飲食少思肢體倦怠者屬形病俱虛宜
用地黃丸補之

抑肝散 治肝經虛熱發搐或發熱咬牙或驚悸寒
熱或木乘土而嘔吐痰涎腹脹少食睡卧不安

軟柴胡

甘草各伍分

川芎糊分

當歸

白朮炒

茯苓

釣藤鈎各壹錢

右水煎子母同服

如蜜丸名抑青丸

大青膏方見驚搐

大黃丸方見腹脹

異功散方見吐瀉

白朮散方見渴

柴胡梔子散方見諸熱

利驚丸

涼驚丸

羌活膏三方俱見驚搐

洗心散

驚馬

婁驚搖一也而有晨夕之分表裏之異身熱力大者為急驚身冷力小者為慢驚仆地作聲醒時吐沫者為癇頭自仰視者為天用角弓反張者為瘥而治各不同也

早辰發

藏府旺時補瀉法

錢因潮熱發搐在寅卯辰時者此

肝用事之時也身體壯熱日上視手足動搖口内生熱涎項頸強急此肝旺也當補腎治肝補腎地黃丸
方見治肝瀉青丸
肝方見薛寅卯辰時搐而發熱作

驚慢

肝方見

薛寅卯辰時搐而發熱作

渴飲冷便結屬肝膽經虛熱用柴芍參苓散作渴引
飲自汗盜汗屬肝膽經血虛用地黃丸口吻流涎屬
肝木尅脾土用六君子湯 一小兒寅卯時發熱痰
搐服抱龍丸而愈後復患因自用前藥更加咳嗽氣
喘不時發搐面赤或青黃或浮腫或流涎余謂咳嗽
氣喘乃脾肺氣虛不時發搐乃木乘土位面青而黃
赤乃肝助心脾浮腫流涎乃脾氣虛弱用益智丸以
補心神補中益氣湯以養脾肺頓愈
錢因潮熱發搐在巳午未時者此心用事之時也心
惕目上視白睛赤色牙關緊急曰內涎生手足動搖

日午

此心旺也當補肝治心導赤散涼驚丸補肝地
黃丸 廣親宅七太尉方七歲潮熱數日欲愈錢謂
父二大王曰七使潮熱將安八使預防驚搐王怒曰
但使七使愈勿言八使病錢曰八使過來日午間即
無苦也次日午前果作搐急召錢治之三日而愈蓋
預見其目直視而顛赤必肝心俱熱更坐石枕子乃
欲就冷此熱甚也又肌膚素肥盛而本實其脈急促
故發搐尅言午時者自寅至午皆心肝用事之時治
之乃瀉心肝補腎自安矣 薛巳午未時發搐若兼
作渴飲水屬風火相搏以地黃丸補肝導赤散涼驚

女壽漫錄卷之四

丸治心若作渴飲湯體倦不乳土虛而木旺也用地黃丸以補腎六君子湯以補脾一小兒巳午時搐熱驚悸發時形氣倦怠而黃懶食流涎飲湯此心火虛而不能生脾土也不信自服涼心之藥更加吐瀉睡而露睛幾成慢脾風用六君薑桂佐以地黃丸而愈一小兒七歲驚搐發熱不已巳午未時益甚形氣殊倦熱定飲湯此心脾氣虛朝用補中益氣湯加益智仁夕用六君當歸鈞藤鈞尋愈後飲食過多復作吐瀉或治以保和丸反加寒熱發搐此脾土復傷而肝木所侮也用六君柴胡寒熱止而飲食進但午

日腕發搐

未時仍泄用補中益氣湯加茯苓半夏鈞藤鈞而愈錢因潮熱發搐在申酉戌時者此肺用事之時也不甚搐而喘目微斜視身熱如火睡露睛手足冷大便淡黃水是肝旺當補脾益黃散方見治肝瀉青丸治心導赤散潔古云脾病肝強法當補脾恐木賊害心徐氏子三歲病潮熱每日酉則發搐身微熱而目微斜露睛四肢冷而喘大便微黃請錢與李同治錢問李曰病何搐也李曰有風何身熱微溫曰四肢所作何目斜睛露曰搐則目斜何肢冷曰冷厥心內熱曰何喘曰搐之甚也曰何以治之曰涼驚丸鼻中灌之

文選通文選 卷之二十一

必搐止錢又問曰既謂風病溫壯搐引目斜露睛內熱支冷及搐甚而喘併以何藥治之李曰皆此藥也錢曰不然搐者心肝實也身微熱者日西肺用事之時也肺主身溫今日熱者肺虛也目微邪露睛者肝肺相乘勝也四肢冷者脾虛也肺若虛甚則脾母亦弱木氣乘脾四肢即冷治之當先補脾肺用益黃散阿膠散得脾虛證退然後治其心肝汗瀉青丸導赤散涼驚丸治之九日愈 薛申酉戌時微搐而喘目微斜身似熱睡而露睛大便淡黃屬脾肺虛熱用異功散手足逆冷或喘瀉不食屬脾肺虛寒用六君炮

薑木香久病而元氣虛者用六君子六味丸一藥主之

夜間發搐

錢因潮熱發搐在亥子丑時者此腎用事之時也不甚搐而臥不穩身體溫壯目睛緊斜視喉中有痰大便銀褐色乳食不消多睡不省當補脾治心補脾益黃散治心導赤散涼驚丸按古云皆因大病後脾胃虛損多有此疾薛亥子丑時微搐身熱目睛緊斜吐瀉不乳厥冷多睡屬寒水侮土用益黃散未應用六君薑桂

表裏

表裏錢傷風發搐因傷風後得之口中氣出熱呵欠頻悶手足動搖當發散太青膏主之小兒生來怯弱

者多此病也。潔傷風發搐，因傷風而得之，證同太
 人傷風寒痰之類，當辨有汗無汗，陰陽二證，用大青
 膏小續命之類，開發則愈。大青膏陰證小續命陽證也 薛傷風
 發搐，口氣不熱，肢體倦怠，用異功散補脾土，釣藤飲
 清肝木。若因風邪內鬱發熱而變諸證者，當理肺金，
 清風邪。若外邪既解而內證未除，當理肺補脾。若肺
 經虧損而致驚搐等證者，當補脾肺以平肝心，則驚
 搐自止矣。一、小兒月內發搐，鼻塞乃風邪所傷，以
 六君子湯加桔梗、細辛、子母俱服，更以葱頭七莖生
 薑一片細搗攤紙上，合置堂中，令熱急貼額門，少頃

鼻利搐止

大青膏

天麻 未壹分

蝎尾 去毒生末

朱砂 研

白附子 未生壹錢半

烏蛇稍肉 酒浸焙乾取末各半錢

天竺黃 研

青黛 壹錢研

右同再研細，生蜜和成膏，每服半皂子，大至二皂
 子，大月中兒粳米，大同牛黃膏，溫薄荷水化一處
 服之。五歲已上，同甘露散服之。

小續命湯 方見中風

裏錢傷食發搐，因傷食後得之，身體溫多睡多睡或吐

外

不思乳食而發搐當先定搐搐退白餅子方見下之後服安神丸方見心臍潔傷食發搐謂不因他證忽然而搐此因飲食過度致傷脾胃故兒多睡多吐不思飲食脾胃既虛引動肝風則發搐當先定其搐如差活防風煎下瀉青丸後用白餅子下其食漸漸用調中丸方見腹痛異功散方見吐瀉養其氣薛停食發搐嘔吐乳食者宜用消食丸若食既消而前證仍作或變他證者脾土傷而肝木乘之也用六君子加釣藤鈎以健脾平肝消食丸方見傷食

寒水石安神丸 婁外物驚者元氣本不病故治以黃連安神之苦寒氣動驚者不因外物驚元氣自有病故治以寒水石安神之甘寒也

黃連安神丸

黃連淨酒炒

朱砂細研

生地黄

當歸各壹錢

甘草炙伍分

右為極細末蒸餅和丸如黃米大每服十九津下

寒水石安神丸

即錢氏安神丸方見心臍

鎮心丸 涼心經治驚熱痰盛

甜硝白者

人參去蘆取朱甘草炙

寒水石燒各壹兩半 乾山藥白者

朱砂壹兩 龍腦

白茯苓各貳兩

麝香各壹錢二

右為末熟蜜丸如雞頭大如要紅入坯子臙脂二錢臙脂即染臙脂温水化下半丸至一二丸食後

急慢驚總論小兒急慢驚風古謂陰陽痼也急者屬陽陽盛而陰虧慢者屬陰陰盛而陽虧陽動而躁疾陰靜而遲緩皆因臟腑虛而得之虛能發熱熱則生風是以風生於肝痰生於脾驚出於心熱出於肝而心亦熱以驚風痰熱合為四證搐搦掣顛反引窺視為八候凡眦眼搖頭張口出舌唇紅臉赤面眼唇青

及瀉皆青髮際印堂青筋三關虎口紋紅紫或青者皆驚風候也大抵肝風心火二者交爭必挾心熱而後發始於搐故熱必論虛實證先分逆順治則有後先蓋實熱為急驚虛熱為慢驚慢驚當無熱其發熱者虛也急驚屬陽用藥以寒慢驚屬陰用藥以温然又必明淺深輕重進退疾徐之機故曰熱論虛實者此也男搐左視左女搐右視右男眼上窺女眼下窺男握拇指出外女握拇指入裏男引手挽左直右曲女引手挽右直左曲凡此皆順反之則逆亦有先搐左而後雙搐者但搐順則無聲搐逆則有聲其指紋

驚弓入裏者順反外者逆出入相半者難痊故曰證
分逆順者此也陽病陰脉陰病陽脉亦為反凡熱盛
生痰痰盛生驚驚盛生風風盛發搐治搐先於截風
治風先於利驚治驚先於豁痰治痰先於解熱其若
四證俱有又當兼施並理一或有遺必生他證故曰
治有先後者此也綱領如此若分三者言之暴烈者
為急驚沉重者為慢驚至重者肝風木之尅脾土則
為慢脾風矣 婁急驚證屬木火土實也木實則搐
而力大目上目劄所謂木太過曰發生其動掉眩癲
癇是也火實則身熱面赤土實則不吐瀉睡合睛故

其治法合涼瀉而用涼驚丸利驚丸之類慢驚證屬
木火土虛也木虛則搐而力小似搐而不甚搐經所
謂木不及曰委和其病搖動注恐是也謂手足搐動
腹注泄心恐悸也火虛則身冷口氣冷土虛則吐瀉
睡露睛故其治法合溫補而用羌活膏益黃散有熱
者用東垣黃耆益黃散其東垣非錢氏羌活膏治慢
驚者謂土虛泄瀉火木乘之謂手掌與腹俱熱之證
若火木土俱虛而搖動恐悸注瀉手腹冷者非羌活
膏不能治之 丹小兒驚風有二急驚屬痰熱宜涼
瀉慢驚屬脾虛所主多死宜溫補急驚用降火下痰

九養血藥作湯下之慢驚當補脾兼用朱砂安神丸
清米湯下更於血藥中求之如四物四君東垣黃耆益黃散之類世以
一藥通治之甚妄

急驚急驚之候亦曰真搐牙關緊急壯熱涎潮竄視
反張搐搦顫動唇白眉眼眨引頻併口中氣冷臉赤
唇紅大小便黃赤其脉浮數洪緊此內挾實熱外感
風邪心家受熱積驚肝家生風發搐肝風心火二藏
交爭血亂氣并痰涎壅盛百脉凝滯關竅不通風氣
菴盛無所發泄故暴烈也又有搐搦反張斜視而牙
關不緊口無痰涎而氣熱未可直指以為驚風恐是

傷風傷寒夾食夾驚疹痘等證此即錢氏假搐之說
又各依本證施治矣又急驚搐搦不可把握但扶持
之否則風癇逆入經絡遂使手足拘攣成廢疾錢
急驚因聞大聲或大驚而後發搐發過則如故此無
陰也當下利驚丸主之 急驚本因熱生於心身熱
面赤引飲口中氣熱大小便黃赤劇則發搐蓋熱甚
則風生風屬肝此陽盛陰虛也故利驚丸主之以除
其痰熱不可用巴豆及溫藥大下之恐搐虛熱不消
也小兒熱痰客於心胃因聞大聲非常則動而驚搐
矣若熱極雖不聞聲及驚亦自發搐 闔氏云急驚

內有熱即生風又或因驚而發則目上連劄潮涎搐
搦身體與口中氣皆熱及其發定或睡起即了了如
故此急驚證也當其搐勢漸減時與鎮心治熱之藥
一二服如麝香丸鎮心丸抱龍丸辰砂丸紫雪之類
候驚勢已定須更以藥下其痰熱如利驚丸軟金丹
桃枝丸之類利下痰熱心神安寧即愈 潔古云急
驚者陽證也俱腑受病熱痰客於心肺是少陽相火
旺經云熱則生風因聞大聲而作蓋謂東方震卦得
火氣而發搐火本不動焯得風而動當用利驚丸導
赤散瀉青丸地黃丸搐止宜服安神丸 垣治驚大

忌防風丸防風辛溫之藥必殺入何也辛散浮溫熱
者火也能令母實助子之氣盛皆殺入也如因驚而
瀉青色先鎮肝以朱砂之類勿用寒涼之藥大禁涼
驚丸風木旺必尅脾胃當先實其土後瀉其子 丹
急驚風發熱口噤手足心伏熱痰嗽痰喘竝用涌法
重則用瓜蒂散輕則用苦參赤小豆末以酸壅汁調
服候少定用通聖散蜜丸服之間以桑樹上桑牛陰
乾研末調服以平其風 桑牛比楊牛則又以北薄荷
色白黃者是
葉寒水石各壹兩青黛白殭蠶辰砂各壹錢全蝎貳
枚豬牙皂角槐角各伍分竝爲末燈心湯和乳汁灌

之角弓反張目直視因驚而致宜南星半夏入薑汁
竹瀝灌之更灸印堂 初驚用防風導赤散生乾地
黃川木通防風甘草等分用竹葉參錢煎服須用寧
神膏麥門冬去心天竹黃茯神朱砂各壹兩麝香壹
錢各搗研極細煉蜜和捏作小餅子臨卧薄荷湯化
下一夜一餅 老醫常言小兒驚搐多是熱證若先
便用驚風藥白附子全蝎僵蠶川烏之類便是壞證
後有醫幼科者只用導赤散加地黃防風進三服導
去心經邪熱其搐便止次服寧神膏神效從孫道潤
幼時患驚
搐甚危延京口諸有名幼科醫療之益困篤其祖易
菴兄求方於余以是授之二服立愈自後常以救人

無不効者恐人
忽易換著之 曾急驚之論前代書所不載惟曰
陽癇大槩失所愛護或抱於當風或近於熱地晝則
食多辛辣夜則衾蓋太厚鬱蒸邪熱積於心傳於肝
再受人物驚觸或跌撲叫呼雷聲鼓樂雞鳴犬吠一
切所驚未發之時夜卧不穩困中或笑或哭齧齒齩
乳鼻額有汗氣促痰喘忽爾悶絕目直上視牙關緊
急口禁不開手足搐掣此熱甚而然况兼面紅脉數
可辨蓋心有熱而肝有風一藏乃陽中之陽心火也
肝風也風火陽物也風主乎動火得風則煙焰起此
五行之造化一陽相鼓風火相搏肝藏魂心藏神因

熱則神曠易動故發驚也心主乎神獨不受觸遇有驚則發熱熱極生風故能成搐名曰急驚治之之法先以五苓散加黃芩甘草水煎或百解散發表次通心氣木通散三解散疎滌肝經安曠退熱牛勞湯防風湯主之驚風既除之後輕者投半夏丸重者下水晶丹與之去痰免成癡疾但不可用大寒涼藥治之熱去則寒起亢則害承廼制若倉卒之間驚與風證俱作只用五苓散加辰砂末薄荷湯調服少解其證蓋五苓散內有澤瀉導小便心與小腸為表裏小腸流利心氣得通其驚自減內有桂木得桂則枯是以

能抑肝之氣其風自停况佐以辰砂能安神曠兩得其宜大略要解熱涼心肝後惟可用平和湯散調理稍熱之劑則難用醫者宜審之 愚嘗感慨諸人每見驚風搐作不明標本混為一證遽然全用金石腦麝蜈蠶蛇蝎大寒搜風等劑投之耗傷真氣其證愈甚多致弗救殊不知驚生於心風生於肝搐始於氣是為三證其驚與風首已詳及然所謂毒氣而成搐陳氏之論最為明理但未著其方余於此證則用寬氣飲治之只以枳殼枳實為主蓋其氣也四時平和則身安一息壅滯則疾作况小兒啼哭不常其氣蘊

蓄內則不能升降外則無由發泄展轉經時亦能作
搐善醫者審察病源從而療之萬無一失更辨陰陽
虛實不可輕忽若陽實證煎五和湯調三解散主之
此急驚有搐之類若陰虛證煎固真湯調寬氣飲治
之此慢驚有搐之類若暴感此證未別陰陽虛實先
用五苓散和寬氣飲及少加寬熱飲二藥合用薑汁
沸湯調灌即解太抵治搐之法貴以寬氣爲妙氣順
則搐停此自然之理大凡幼穉欲令常時驚悸不
作在乎腎藏和平故戴氏曰治驚不若補腎謂心屬
火火性燥得肝風則煙焰起致生驚悸補腎則水升

火降邪熱無侵雖有肝風不生驚駭其法當於申時
進補腎地黃丸一服或琥珀抱龍丸用申時者蓋水
生於申佐之以藥則腎水得平心火不炎自無驚矣
鈴方治法大要用藥有次序有輕重通關以後且
與截風定搐風搐既定却下痰熱理爲至當若患在
痰熱未有驚風只可退熱化痰不可妄投驚風藥蓋
藥中多用寒涼恐引入痰熱入經絡凡病在熱不可
妄治痰止當解表病在驚不可妄治風蓋驚由痰熱
得只可退熱化痰而驚自止病在痰不可便治驚急
須退熱化痰病在風不可便治搐蓋風由驚作只可

利驚化痰其風自散若也有搐須用截風散驚至妙之道若治驚而痰不化熱亦不退驚安得自止化痰痰熱若不退風亦不散痰安得去是知不治之治所以治之之謂歟急驚初傳風搐得定而痰熱一泄又須急與和胃定心之劑若搐定而痰熱無多則但用輕藥消痰除熱可也然急驚雖當下切不可過用寒涼及水銀輕粉巴豆芒硝等蕩滌太驟或當劑之皆不得已但使疾去即止或不當用而用或可用而過焉由此遂成慢驚矣且如只下痰熱不必太驟但斟酌處用大黃一品足矣且急驚證源在於去肝風降

心火幼幼書以為至要之說也 醒急驚之候牙關緊急壯熱涎湧窺視反張搐搦顛動口中氣熱頰赤唇紅脉浮洪數者此肝經血虛火動生風蓋風生則陰血愈散陰火愈熾火動則肺金愈虧肝木愈盛宜滋肝血養脾氣若屢服祛風化痰瀉火辛散之劑便宜認作脾虛血損急補脾土若風火相搏抽搐目瞤筋急痰盛者用四物湯以生肝血加釣藤鈎山梔仁以清肝火更用四君子以補脾六味丸以滋腎若肺金尅木而兼呵欠者用瀉白散以泄肺邪地黃丸以益肝血若邪入肝則用柴胡清肝散加龍膽草亦可

邪入心用梔子清肝散加炒黃連亦通邪入腎用六
 味地黃丸邪入肺用地骨皮散邪入脾用六君子加
 柴胡山梔若不養肝血不補脾氣純用祛風化痰之
 藥不已則脾益虛血益損邪氣延綿必傳慢驚矣
 初有痰熱未有驚風先且解表祛肝風降心火
 和劑香蘇散解肌加乾葛見傷寒太陽症
 參蘇飲 解驚風煩悶痰熱作搐咳嗽氣逆脾胃不
 和

人參 去蘆 紫蘇 和梗 前胡 去蘆
 乾葛 半夏 赤茯苓 去皮各

枳殼 陳皮 去白 桔梗 坐炒

甘草 各伍錢 鈐方去人參加川芎
 右剉每服三錢水一鍾薑二片煎七分無時溫服
 人參羌活散 治初作急驚散風邪除風熱

羌活 獨活 柴胡
 川芎 人參 甘草 炙
 白茯苓 各壹兩 前胡 桔梗
 地骨皮 酒浸焙 天麻 各半兩 枳殼 壹兩 炒
 右咬咀每服一錢水半盞薑一片薄荷一葉棗半
 箇煎服疹痘未發亦可服直指方每服三字末紫

蘇薄荷湯調搗擊緊急者去節麻黃煎湯調或惺惺散加荆芥防風亦可免得遽施腦麝

惺惺散 除風熱及傷寒時氣瘡疹發熱

白茯苓淨 細辛 桔梗 甘草炙

栝藋根 人參 川芎各等分

白朮 右為末每服一錢水半盞薑一片薄荷三葉同煎

湯氏細辛減半 獨活湯 治胎驚發散風邪

羌活 獨活各壹分 檳榔

天麻 麻黃去節 甘草炙各半分

右剉散每服半錢水煎於內加南星末蜜調可貼

頤門

木通散 治小兒肝心有熱驚悸用此藥瀉肝風降

心火利驚熱

羌活 山梔子各貳錢 大黃煨

木通 赤茯苓 甘草各壹錢

右剉碎每服二錢入紫蘇葉些少用水一盞煎至

五分不拘時服

已風丹 祛風退驚

天竹黃

細研

防風

釣藤

各壹兩

白僵蠶

乾全蠍

白附子

各生兩

右為細末煉蜜和如芡實大每服壹粒至貳粒麝香荆芥湯化下

加味導赤散

生地黃

上

木通

上

防風

中

甘草

中

山梔子

中

薄荷葉

下

麥門冬

中

入燈心草竹葉水煎

仁齋犀角湯 治心驚熱盛

犀角

防風

木通

赤茯苓

桑白皮

炒

甘草

炙各等分

右剉細每三字水煎服

急驚初傳且可通關定驚搖諸風搐搦關竅不通

痰涎潮寒氣實使之先用蘇合香丸以薑自然侵薄

荷湯調與服使氣下則痰下關竅自通

通關散 治小兒驚風搐搦關竅不通

南星

炮

僵蠶

炒各壹錢

麝香

壹字

豬牙皂角

貳定

赤脚蜈蚣

壹條

右為末以手點薑汁蘸藥少許擦牙或用物引滴

入藥兩三點涎自出口自開皂角略燒存性為末
嚏驚散

半夏壹錢

豬牙皂角半錢

右為末用豆許用管子吹入鼻立醒
茅先生奪命散

銅青

朱砂各貳錢

膩粉半錢

麝香少許

蠟尾拾肆箇
去針

右為末每服半錢薄荷臘茶清調下此治天釣臍
風客忤卒死撮口鵝口木舌喉痺疔顛風壅吐涎
後依證調理

錢氏涼驚丸

草龍膽

防風

青黛各叁錢

釣藤貳錢

黃連伍錢

牛黃

麝香

龍腦各壹字

麪糊九粟米大每服三五丸金銀湯下

局方天麻防風丸 治小兒驚風身熱喘麤多睡驚

惺手足搐搦精神昏憤

天麻

防風

人參各壹兩

甘草

朱砂

雄黃各貳錢半

蠟尾炒

殭蠶炒各半兩

牛黃

麝香各壹錢

右為末煉蜜丸櫻桃大朱砂為衣每一丸薄荷湯化下

三因方治陽癇驚風熱證面赤身熱發搐直視牙緊

盧薈

白附子

甘草各貳錢

胡黃連

朱砂各壹錢

膩粉

麝香各半錢

蠍梢

殭蠶炒各壹錢

金箔朱片

赤脚蜈蚣壹條

右為末一歲已上服半錢金箔薄荷湯下

全嬰方睡紅散 治小兒急慢驚風手足搐搦目眩

神昏

牛黃

鵬砂

腦子

真珠

水銀砂子各半錢

青黛

蠍尾炒

京墨燒

南星

半夏同杜薑製一宿

蛇含石泮各壹錢

金銀箔各拾片

麝香壹字

烏蛇尾并項下七寸酒浸一宿取出去皮骨炙壹錢

右為末三歲一字薄荷湯下

按此治風熱痰藥通關透肌骨之劑也非風邪下

陷者不可輕用

定搐散 治小兒急驚定搐

後急驚

方十一

三十四

赤脚蜈蚣大者壹條 酒浸炙

南星炮

白附子

麻黃去節

羌活

代赭石醋煨 滓

蠍稍

川薑黃各貳錢

朱砂壹錢

加烏蛇肉加

順搖散 解男右女左搖不順者加

枳殼製

釣藤去鈎

荆芥

羌活

防風去蘆

甘草各半兩

右碎每服二錢水一盞順切薑貳片煎七分無時

溫服或入薄荷同煎

瀉青丸 治鼠視發搐痰熱

龍膽草焙

梔子仁各壹錢

大黃煨

羌活

防風各壹錢

川芎壹錢半

右為末煉蜜丸梧子大每一丸煎竹葉泡薄荷湯

調下錢氏有當歸

羅氏鎮肝丸 治小兒急驚風目直上視抽搐昏亂

不省人事是肝經風熱也此方瀉青之變

天竹黃研

生地黃

當歸

竹葉

草龍膽

川芎

大黃煨

羌活

防風各貳錢半

右為細末煉蜜丸如雞頭大每服二丸沙糖水化下先服此後服天麻散

凡欲下之須當審問前人已下未下或曾經吐瀉否已下及吐瀉者不可再下但駢風化痰消熱而已太約痰熱十分且泄其三之二下劑中須用枳殼菖蒲寬心通氣之類佐之急驚急在一時治不可緩緩則候加深若一時體認不明又不可妄施藥餌急驚既已傳截風定搐次第風驚已定而痰熱下劑有二初且輕下又稍重下又加重下之劑下後和胃助氣

而後定志寧神駢風鎮驚防其再發若下後諸證猶存未易痊愈更勿再下當作慢驚推詳

急驚輕下法

防風湯 治風熱痰壅大便不通

防風

羌活

枳實各半兩

川芎

甘草炙

大黃煨各貳錢半

剉末每服三字薑棗煎

小柴胡湯加枳殼防風最利風熱解血熱免用銀粉

巴硝重劑一方加大黃少許

宣風散、疎導風熱驚風痰熱四證俱備者極效

雞心檳榔 貳箇 甘草

橘紅 各半

黑牽牛 取末貳兩
半生半炒

右為末每服半錢蜜湯調下

定命丹 治急驚天吊撮口通利痰熱

全蠍 朱箇 天麻

南星 炮

白附子 各貳
錢半

朱砂

青黛 各壹
錢半

輕粉

麝香 各半
錢

龍腦 壹字

右為末粟米糊丸菴豆大每一丸荆芥薄荷湯調下先研半丸吹入鼻中

疎風散 治驚風痰熱四證俱盛

檳榔

陳皮 去白各
貳錢

牽牛

大黃 略煨各
叁錢

右為末每服半錢生蜜調下演山加朴硝一錢

保嬰方大黃黑牽牛白牽牛三味各半生半熟檳榔各半兩細末蜜湯調痰多加輕粉

演山治四證已作八候未具截風丹

全蠍 去毒
炒 僵蠶 炒

南星 炮

天麻 各貳
錢半

白附子 炮

赤足蜈蚣 壹條
酒炙

麝香 壹字

朱砂 壹錢

右為末煉蜜丸梧子大每服三九金銀薄荷湯化

定搐散 治急驚四證八候併作

天麻

白附炮

南星炮各半兩

蠍梢炒

白花蛇頭酒炙各錢半

朱砂

雄黃

乳香各壹錢

代赭石壹兩米醋淬七次

赤脚蜈蚣酒炙壹條

龍腦

麝香各壹字

右為細末每服半錢金銀薄荷湯下煉蜜丸調亦佳

牛黃清心丸 治四證八候去風痰散驚熱

南星

半夏

白附

川烏各壹兩並洗

川鬱金半兩

右五味為麤末用臘月黃牛膽兩三枚取汁和藥入膽中札懸當風處一月乾取出入添馬牙硝朱砂雄黃鵬砂各壹錢腦麝少許如膽藥壹兩硝砂四味各壹錢稀麵糊丸麻子大金銀薄荷湯下歲十丸二歲倍之

鄭氏比金丸 治急驚壯熱喘麤痰嗽大小便不利

輕粉

滑石各錢半

南星壹錢壹字

青黛半錢

為末稀糊丸小豆大一歲二九薄荷湯調下急驚
頭熱足冷口噤面青痰厥加一丸桃皮湯下名桃
符丸疎流蘊積涎熱瘡痘餘毒宜服又去青黛加
蝎梢半錢名小青丸同治

利驚丸 急驚痰熱潮搐

輕粉

青黛各壹錢

牽牛末半兩

天竹黃貳錢

右為末糊丸或煉蜜丸小豆大薄荷湯化下

太白散 急驚搐搦涎盛

粉霜貳錢

輕粉

白牽牛炒各壹錢

右為末每服一字薄荷湯調吐痰効

防風丸 治驚風痰熱神昏驚悸

天麻

防風

人參

川芎各壹兩

全蝎

甘草

僵蠶

朱砂

雄黃

牛膽南星各貳錢伍分

右為末蜜丸雞頭大每一丸薄荷湯下

保嬰方全蝎散 治急慢驚風發搐服之神効急慢

加減方法在內製法更佳

全蝎

貳拾肆箇新薄荷葉包以紙夾住於慢火上炙數次或乾薄荷葉酒浸開包炙亦可

疆蠶半兩炒去絲嘴

南星壹兩取末以生薑壹兩切片新薄

如急驚不用南星加大黃壹兩煨若慢驚不用

大黃加製南星

白附子炮叁錢 防風去蘆又 天麻

甘草炙 硃砂水飛 川芎各半兩

石為末一歲兒服一字二歲兒服半錢薄荷湯調下量大小歲數加減身熱發搐前後火府散調慢驚吐瀉後發搐生薑湯調急驚搐煎火府散加大黃湯調

火府散 面赤咬牙發熱唇口乾燥小便赤澀一切

虛實邪熱並治

生地黃 木通各壹兩 黃芩

甘草炙各半兩

右咬咀每服一錢水煎溫服無時

湯氏金星丸 治急驚壯熱痰壅大便不通

鬱金末 雄黃各貳錢半 膩粉半錢

巴豆柴箇取霜

右為末醋糊丸黍米大一歲二十九薄荷湯下

茅先生朱砂膏 治驚熱驚積

朱砂 半兩

真珠 壹錢

麝香 各壹字

鵬砂

玄明粉 貳錢

馬牙硝 各叁錢

龍腦

各研拌久自成膏如諸驚黃豆大金銀薄荷湯化潮熱甘草湯狂躁惡叫生地龍自然汗月內兒調塗乳頭令吮

大黑龍丸 治小兒急慢驚風神效

膽星

礞石 硝煨各壹兩

天竺黃

青黛 各半兩

蘆薈 貳錢半

辰砂

蜈蚣 燒灰壹錢半

殭蠶 伍分

右為末甘草汁為丸如雞頭大每服一丸或二丸薑蜜薄荷湯下如慢驚用桔梗白朮湯下即愈

小黑龍丸 治小兒急驚輕者

青礞石 煨壹兩

青黛 壹錢

蘆薈 壹錢半

膽星 兩壹

右為極細末甘草湯為丸如雞頭大每一丸薑蜜薄荷湯下

右二方礞石膽星治痰之劑為君痰多者宜之

急驚重下法

謝氏奪命丹 治急驚不省人事眼定不動牙關不

開唇白并黑者

南星

真珠新白者 貳錢

金箔

麝香各半 錢

右各為末和勻飛羅麪打糊為丸如黍米大每一歲兒一丸燈心湯下

比金丸

治小兒風熱丹毒急慢啞驚

前奪命丹中減去金銀箔加真鬱金末參錢丸如上法

利驚丸

前比金丸中去鬱金加腦子半錢白頸蚯蚓壹條用刀截斷首尾兩頭齊跳者用之去土秤一錢丸服如上法

按此三方導痰藥也白餅子加減法

演山青金丸

治驚風痰熱四證壅盛

巴霜半錢 七

青黛貳錢 半

南星半兩 炮

輕粉壹錢

滑石

全蝎去毒炒 各貳錢

右為末稀糊丸如麻子大一歲五丸二歲七丸大
小加減薄荷茶清下以通為度一方加白附子

眞珠天麻丸 治驚風痰熱壅盛及疳腸鎖肚撮口

絕効

南星 炮

天麻

白附子 炮各壹錢

膩粉 半錢

巴霜 壹字

蕪荑 炒

全蝎 麩炒

滑石 各壹錢半

右爲末糊丸粟米大一歲五七丸二歲十丸大小

加減薄荷湯點茶清送下

鄭氏驅風膏 肝風筋脉拘急面紅目青眼上驚搐

及胎風

辰砂

蝎尾

當歸

龍膽草

川芎

山梔仁

大黃

羌活

防風

甘草 各壹錢

右爲末入麝香壹字煉沙糖丸雞頭大三歲二丸

薄荷竹葉蜜湯化下

睡安散 治急慢驚風潮搐不得安睡

辰砂 水飛

乳香

血竭 各壹錢並細研

麝香 半錢研

人參

酸棗仁 炒

南星 炮

白附 各半兩

全蝎 貳拾壹枚

蜈蚣 壹條酥炙黃酒浸一宿

急驚

急驚

急驚

右為末壹歲壹字薄荷汁好酒煎沸調下得睡効
蛇頭丸 治急慢驚風涎搐搦來去不問陰陽二候

蛇頭壹箇 赤足蜈蚣叁條 朱砂叁錢

鉛白霜 輕粉各貳 龍腦

麝香各壹 鐵液粉 百草霜各半

蛇含石壹兩 醋壹兩 一方加全蝎壹分

右為末米糊丸雞頭大三歲半丸薄荷湯磨下一
方慢驚加附子半兩去皮尖血竭壹分

直指天麻丸 利驚下痰吊腸鎖肚撮口可通用

南星炮貳 白附炮 馬牙硝

天麻 川靈脂 全蝎焙各壹錢

輕粉半錢 巴霜壹字

右為末稀糊丸麻子大每十九丸薄荷薑錢泡湯送下

右重下之劑惟上壅下閉血氣充實脉沉而有力者宜之又閻氏所謂候搐勢定下其痰熱之類是已

利驚後調胃助氣定志寧神防作慢驚

直指銀白散 助胃驅風嘔吐作慢驚候者通用

蓮肉 扁豆炒 白茯苓各壹分

人參

全蝎炒

霍香半分

右為末每一錢薑錢一片入冬瓜子仁七粒同煎或陳米調下

醒脾散大醒脾散王氏惺惺散皆和胃助氣可通用

三方見慢驚

定志丸 治驚風已退神志未定以此調之御院有

乳香

琥珀

茯神

遠志肉薑製

天麻

水香

陳米炒香

白附子炮

甘草炙

一方加白朮一分

人參

天門冬去心

右為末煉蜜丸皂子大朱砂為衣每服一丸燈心

薄荷湯調下

溫膽湯 治驚悸煩痰

製半夏

白茯苓半兩

右剉散每服一錢入竹茹少許薑棗煎

加味地黃丸

地黃捌兩

山藥

山茱萸各肆兩

白附子炮

甘草炙

天麻

酸棗仁炒

枳實炒

陳皮去白

甘草各壹錢半

酸棗仁湯浸去殼

澤瀉

羌活

牡丹皮

防風

茯苓

各參兩

右為末煉蜜丸如桐子大量兒大小加減

海五福丸治急驚風生蚯蚓一條研爛入五福化毒

丹一丸再研如泥煎薄荷湯少許調化旋灌量兒

大小加減服之

五福化毒丹 治驚熱涼心膈

生地黄

熟地黄

天門冬

麥門冬

甜硝

玄參

甘草

青黛

右六味為細末後研入硝黛煉蜜丸如雞頭大
每服半丸或一丸食後熟水化下
安神丸 治小兒驚悸熱渴心悶脉實面紅頰赤口
燥

麥門冬

馬牙硝

白茯苓

山藥

寒水石

朱砂

甘草

龍腦

右為末煉蜜丸如雞頭大每服半丸沙糖水下
右四方甘寒瀉火之劑為君小兒血氣虛而急驚
者宜之又潔古闔氏所謂候搖止勢減宜安神鎮

心之類是已

曾氏方

五苓散

解傷寒溫濕暑毒霍亂分陰陽理煩渴

澤瀉

去麤皮 貳兩半

白茯苓

去皮

豬苓

去皮

白朮

各壹兩半

肉桂

去麤皮 柴錢半 不過火

右碎入桂同研為末每服一錢溫湯調下不拘時若作吐用赤茯苓分兩同前每服二錢水一盞煎七分溫服

百解散

主和解百病虛慢陰證不宜

乾葛

貳兩半

升麻

赤芍藥

各貳兩

黃芩

壹兩

麻黃

製末 錢半

薄桂

去麤皮 貳錢半

甘草

壹兩半

右碎每服二錢水一盞薑二片葱一根煎七分無時溫服有風熱盛加薄荷同煎

木通散

主上膈熱小腑閉煩躁生瘡及淋證諸瘡

木通

去皮 節

地菔蓄

去老梗 各半兩

大黃

甘草

末

赤茯苓

去皮 各參錢

瞿麥

去根

滑石

末

山梔仁

車前子

黃芩

各貳錢半

右件咬咀每服二錢水一盞燈心三莖煎七分無時溫服或入薄荷同煎

三解散 主上焦蘊熱傷風面紅目赤狂躁氣急渴水驚啼煩悶丹毒口瘡痰嗽搐掣

人參 去蘆

防風 去蘆

天麻

茯神 去皮木根

鬱金 無以山梔仁代

白附子

大黃 各錢半

赤芍藥

黃芩

僵蠶 各伍錢

全蝎 拾伍尾去尖毒

枳殼 水浸潤去穰剉片炒

炒微黃

粉草 陸錢

右碎焙為末每服半錢至一錢用溫薄荷湯無時

調下或燈心湯

牛蒡湯 主傷風發熱煩躁鼻塞氣喘痰嗽驚啼及諸瘡赤紫丹毒咽喉腫痛

牛蒡子 參兩畧炒研碎 大黃 壹兩半

防風 去蘆

薄荷 去老梗各壹兩

荆芥 去根老梗肆兩

甘草 壹兩壹錢半

右件咬咀每服二錢水一盞煎七分無時溫服

防風湯 治急驚後餘熱未退時復手足搐掣心悸不寧及風邪中入肝經兩目視入開眦不常

防風 去蘆

川芎

大黃

白芷

黃芩

甘草 各半兩

細辛

去葉 貳錢

薄荷葉

貳錢

右件剉焙為末每服一錢用溫湯無時調服

半夏丸

治痰證神效若驚搐後風涎潮作服之神

效

半夏

生用 貳兩

赤茯苓

去皮

枳殼

製各 壹兩

風化朴硝

貳錢

右前三味為末入乳鉢同朴硝杵勻用生薑自然

汁煮糯米粉為丸棗豆大每服二十九至五十九

仍以淡薑湯食後臨睡送下兒小者丸如粟穀大

水晶丹

方見 癰積

寬氣飲

主通利關節除胃膈痞結消痰逐水進美

飲食及治薑氣而成搐傳變急慢驚風氣逆不和

精神昏倦

枳殼

水浸去穢 微黃

枳實

製同上 各壹兩

人參

去蘆

甘草

炙各 半兩

右剉焙為末每服半錢至一錢淨湯無時調服驚

風發搐薑汁葱湯同調熱極者入寬氣飲薄荷寧

湯調下或麥門冬湯

五和湯

主宣利藏府積熱調和榮衛

當歸

酒洗

赤茯苓

去皮各 半兩

甘草

炙

大黃

枳殼

木浸潤去穢剉片炒

右件咬咀每服一錢水一盞煎七分無時溫服

寬熱飲方見

茯神湯

治心氣不足虛而驚悸日常煩哭及嬰孩

生下羸瘦多驚宜子母同服自然有效

茯神

去皮木

人參

去蘆

當歸

去蘆尾酒洗各半兩

甘草

炙貳錢

右件咬咀每服一錢水一盞煎七分無時溫服有

微熱煩躁入麥門冬去心同煎

鎮驚丸

主治慢二驚風痰上壅手足抽掣口眼喎

斜煩躁生噴精神昏悶常服寧心鎮驚疎風順氣

人參

去蘆

粉草

半生

茯神

去皮

殭蠶

去絲

枳殼

同前製

白附子

南星

製

白茯苓

去皮

鵬砂

牙硝

壹字

朱砂

水飛各貳錢半

全蝎

拾尾去尖毒

麝香

壹字

右除牙硝鵬砂麝香朱砂四味用乳鉢細研餘丸味焙為末入乳鉢內和勻前四味用糯米粉水煮清糊為丸梧桐子大就帶潤以銀硃為衣每服三九至五九或七九急驚用溫茶清磨化服慢驚以

生薑熟附子煎湯研化溫服薄荷湯化下或麥門冬湯

截驚丸 治驚風搐掣煩躁有熱兩目上視口禁牙

關

龍膽草去蘆 防風去蘆 青黛

鈞藤和鈎 黃連淨 牛黃

甘草 硃砂水飛各伍錢 薄荷葉貳錢半

麝香半錢

右除牛黃麝香外餘八味剉炒為末仍同前一味乳鉢內杵勻煉蜜丸如芡實大每用一丸至二丸

溫湯化服或茶清

硃砂膏 主五心煩熱喉痰壅盛驚風搐搦渴飲無

時睡中不寧見久煩躁口瘡糜爛

硃砂木飛伍錢 馬牙硝 鵬砂

玄明粉各貳錢半 麝香壹字 金箔

銀箔各拾伍片 白附子 枳殼煨炒微黃

川芎 粉草各肆錢 人參去蘆

黃芩 薄荷葉各貳錢

右前七味入乳鉢細研後七味剉焙為末仍入鉢中同前藥和勻煉蜜丸芡實大每服一丸至二丸

用麥門冬熟水無時化服

不驚丹

治因驚氣而吐逆作搐痰涎壅塞手足掣

縮目睛斜視常服疎風順氣自不作驚和脾胃進

飲食

枳殼

去穢麩炒微黃壹兩淡豆豉

焙乾南星

茯神

去皮根木各半兩蝎稍

伍拾尾去尖毒淨蕪荑

錢內極細研爛

石除蕪荑外餘五味焙為末再同蕪荑乳鉢內杵

勻醋煮糯米粉糊為丸周歲內嬰孩粟穀大每服

三十丸至五十九乳汗下三歲以上者麻仁大每

服五十丸及六十九丸温米清湯下候一時得吃乳食

薛氏方

四物湯

見吐血

四君子湯

六味丸

即補腎地黃丸

瀉白散

柴胡清脾散

並見梔子清肝散

參朮柴苓湯

治肝經風熱脾土受尅其證善怒睡

中抽搐徧身作癢飲食少思

人參

白朮

茯苓

陳皮

柴胡

升麻

山梔炒分

釣藤鈎宣錢

甘草炒分

每服一二錢薑棗水煎

安神鎮驚丸 驚退後調理安心神養氣血和平預防之劑也

天竺黃另研

人參

茯神

兩星薑製各伍錢

酸棗仁炒

麥門冬

當歸酒洗

生地黃酒洗

赤芍藥炒各叁錢

薄荷

木通

黃連薑汁炒

山梔炒

辰砂另研

牛黃另研

龍骨煨各貳錢

青黛壹錢另研

右為宋蜜丸棗豆大每服三五丸量兒大小加減淡薑湯送下

慢驚慢驚之候或吐或瀉涎鳴微喘眼間神緩睡則露睛驚跳搐搦乍發乍靜或身熱或身冷或四肢熱或口鼻冷氣面色淡白淡青眉唇間或青黯其脉沉遲散緩蓋由急驚過用寒涼或轉太驟傳變成之又

嗽作痛者有得之發癩不已者有得之蟲積衝心者
有得之卵腫疝氣腹痛其或汗出太過脾困煩渴四
肢浮腫大小便閉走馬急疝並傳慢候惟吐瀉積痢
成虛致之則證變甚速凡纔經吐瀉便是慢驚須用
溫中扶裏或搐來緊急乃慢驚初傳尚有陽證不可
誤作急驚用藥世言搐慢爲慢驚非也若泥此往往
指慢脾爲慢驚矣凡慢驚男子以瀉得之爲重女子
以吐得之爲重又吐有五證瀉有五證各明所因主
治古云病家怕驚不怕瀉醫家怕瀉不怕驚如因瀉
瀉不止且先治瀉若更治風則驚風愈甚如因他證

例當循原施治也其慢驚候若從急驚傳來只可截
風調胃均平陰陽不可全用陽藥使陽歸陽復作急
驚之候用藥施治無過不及可也 急驚以關格不
通略施腦麝開通定其搐搦尚可慢驚陰重陽虧諸
經已虛不宜通關又涼其藏易作慢脾風慢驚危急
如眼睛昏定定而眨雖眇不左右顧或窺視四肢厥
冷汗出如流口面黧黯指甲黑四體垂鞞至重慢驚
證眼半開半合似睡不睡是也其脉或浮或沉身或
熱或涼或吐或瀉或不吐瀉或食乳或阻乳名半陰
半陽合病卽如傷寒半表半裏也 治法大要審問

源流施治不可槩曰慢驚證如因吐瀉得之用湯氏醒脾散之類他證可以類推次第於後然慢驚已傷屬陰亦須準較陰陽虧盛淺深不可溫燥之劑太過錢慢驚因大病後或吐瀉或只吐不瀉變成脾胃虛損遍身冷口鼻氣出亦冷手足時瘳瘳昏睡露睛此無陽也宜括萸湯主之東都王氏子吐瀉諸醫用藥下之至虛變慢驚其候昏睡露睛手足瘳瘳而身冷錢曰此慢驚也與括萸湯其子胃氣實即開日而身溫王疑其子不大小便令諸醫以藥利之醫留入正散等數服不利而身復冷令錢氏利小便錢曰

不當利小便利之必身冷一一日果身冷矣因抱出錢曰不能食而胃中虛若利大小便則脾胃俱虛當身冷而閉目即死今幸胎氣實而難衰也錢氏用益黃散史君子丸四服令微能飲食至日午果能飲食所以然者謂利大小便脾胃虛寒當補脾不可別攻也後又不語諸醫作失音治之錢曰既失音何開目而能飲食又牙不緊而口不噤也諸醫不能曉以地黃補腎錢曰此因用涼藥利小便致脾胃俱虛今脾胃實腎尚虛故補腎必安治之半月而能言一月而痊

潔慢驚者陰證俱藏受病蓋小兒吐瀉病久脾

胃虛損若不早治則成慢驚名曰瘵痰似搐而不甚
搐也因脾胃虛損故大使不聚當去脾間風先用宣
風散導之後用益黃散史君子丸平之則其利自止
既已失治則脾胃俱虛致被肝木所乘是為慢驚當
用溫補羌活膏主之 垣閻孝忠編集錢氏方以益
黃補土快矣其藥有丁香辛熱助火火旺土愈虛矣
青橘皮瀉肺金丁香辛熱大瀉肺與大腸脾實當瀉
子今脾胃虛反更瀉子而助火重虛其土殺入無疑
矣其風木旺證右關脉洪大掌中熱腹皮熱豈可以
助火瀉金如寒水來乘脾土其病嘔吐腹痛瀉痢青

白益黃散聖藥也今立一方先瀉火補金大補其土
是為神治之法以黃耆一錢人參一錢炙甘草五分
加白芍藥一錢此四味皆甘溫能補元氣甘能瀉火
內經云熱淫於內以甘瀉之以酸收之白芍藥酸寒
寒能瀉火酸味能瀉肝而大補肺金所補得金土之
位金旺火虛風木何由而來剋土然後瀉風之邪夫
益黃散理中丸養神之類皆治脾胃寒濕太盛神品
之藥也若得脾胃中伏火勞役不足之證及服熱藥
巴豆之類胃虛而成慢驚之證用之必傷人命夫慢
驚風者皆由久瀉脾胃虛而生也錢氏以羌活膏療

慢驚風候矣。脾虛者由火邪乘其土位，故曰從後來者為虛邪。火旺能實其木，木旺故來尅土。富於心經中，以甘溫補土之源，更於脾土中瀉火，以甘寒更於脾土中補金，以酸涼致脾土中金旺，火衰風木自虛矣。海驚啼手足瘳，寢睡臥不穩，四君子加全蝎去尾尖毒，炒釣藤、白附子炒等分同煎。脾胃虛弱生風多困，四君子加炒半夏、麩沒石子等分，為細末入冬瓜子少許同煎服。丹頰吐瀉，將成慢驚，用錢氏白朮散加山藥、扁豆炒肉豆蔻、麩煨各壹錢，入薑壹片煎服。若慢驚已作，加細辛、天麻各壹錢，全蝎三箇。

去稍白附子八分，麩煨驚而瀉，用參苓芍藥酒炒白朮，薑煎夏月加黃連、甘草、竹葉服之。曾治慢驚者考之古書亦無所據，惟載陰瀉而已。蓋慢驚屬陰，陰主靜而搖緩，故曰慢。其候皆因外感風寒，內作吐瀉，或得於大病之餘，或傳誤轉之後，目慢神昏，手足偏動，口角流涎，身微溫，眼上視，或斜轉及兩手握拳而搖，或兼兩足動掣，各辨男左女右搖者為順，反此為逆。口氣冷，緩或頤門陷，此虛極也。脉沉無力，睡則揚睛，謂兩目半開半合，此真陽衰耗而陰邪獨盛。陰盛生寒，寒為水，化水生肝木，木為風，化木尅脾土，胃為

脾之府故胃中有風痰漸生其痰證狀兩肩微聳兩手垂下時復動搖不已名爲慢驚宜以青州白朮子蘇合香丸入薑汁杵勻米飲調下虛極者加金液丹次用冲和飲同七寶散水煨薑煎服使氣順風散少解吐瀉間以胃苓湯救其表裏若吐不止可投定吐飲瀉不減宜服六柱散或曰生湯去胃風定痰痰清神氣五苓散導其逆調榮衛和陰陽若痰多唇白四肢如冰不省人事此虛慢之極用固真湯速灌之以生胃氣胃氣既回投醒脾散沉香飲調理 薛慢驚之證吐瀉痰鳴氣喘眼開神緩昏睡露睛驚跳

搐搦乍發乍靜或身熱身冷面淡青白或眉唇青赤其脈遲沉而緩是也稟賦不足或久病脾虛及常服剋伐之藥者多致此證若因土虛不能生金金不能平木木來侮土而致前證者以五味異功散加當歸酸棗仁佐以釣藤飲子補土平木若脾土虛寒者用六君子加炮薑木香不應急加附子以回陽氣蓋陰血生於脾土宜四君子當歸酸棗仁凡元氣虧損而至昏憤者急灸百會穴若待下痰不愈而後灸之則元氣脫散而不救矣 慢脾風慢脾風之候面青額汗舌短頭低眼合不開睡中搖頭吐舌頻嘔腥臭噤

口咬牙手足微搐而不收或身冷身温而四肢冷其
脉沉微陰氣極盛胃氣極虛十救一二蓋由慢驚之
後吐瀉損脾病傳已極總歸虛處惟脾所受故曰脾
風若逐風則無風可逐若治驚則無驚可治但脾間
痰涎虛熱往來其眼合者脾困氣乏神志沉迷痰涎
凝滯而已然慢脾之名又曰虛風小兒或吐或瀉之
後面色虛黃因虛發熱纔見搖頭斜視昏困額汗身
亦粘汗聲沉小而焦卽脾風之證不必皆因急慢風
傳次而至又當識之又慢脾之候言脾而不言胃何
也蓋胃爲腑屬陽非若脾乃陰臟也故小兒病傳在

腑多自愈在臟不可不治蓋小兒純陽之氣在腑爲
順在臟爲逆古人皆理其臟未言治腑也又腎一臟
常主虛不可攻治若腎臟有患但清心肺緣心與腎
卽旣濟也肺與腎又子母也無與腎藥及諸補藥也
慢脾惟吐與瀉積與痢傳入慢候其證變至速虛又
速也治必循次平和無令速愈之理藥和且平調脾
養胃不可過劑也錢氏有黃土湯以土勝水木得其
平則風自止以脾土爲本也 治法大要生胃回陽
若眼半開半合手足不冷證候尚在慢驚則勿用回
陽或已入慢脾而陽氣未甚脫者亦未可卽用硫黃

附子等劑手足漸煖仍以醒脾散等調之
曾氏用青金丹天麻飲灌服或六柱散固真湯

錢氏方

瓜蒌湯

瓜蒌

貳錢

白甘遂

未壹錢

右同於慢火上炒焦黃研勻每服一字麝香薄荷湯調服

右瓜蒌湯錢氏治慢驚法脉有力者宜用葢濕痰積於膈中使風火不得開發而身冷故用瓜蒌湯劫去濕痰使風火得伸而身溫搐止若脉無力者

不宜用之便當補脾及溫白丸差活膏之類

青州白丸子

治小兒驚風大人諸風

半夏

生柴兩

南星

生參兩

白附子

生貳兩

川烏

生半兩

去皮臍

右為末以生絹袋盛并花水攪出如未出者更以手揉出如有滓更研再入絹袋攪盡為度於磁盆中日曬夜露至曉撇去舊水別用井花水攪又曬至來日早再換新水攪如此法春五日夏二十日秋七日冬十日去水曬乾後如玉片研細以糯米粉煎粥清丸菴荳大每服三五丸薄荷湯下癱風酒

下並無時

異功散温中和氣治吐瀉不思食吐瀉方見

温白丸 治小兒脾氣虛困泄瀉瘦弱冷疳洞利及

因吐瀉或久病成慢驚癎瘵

天麻生半兩

白殭蠶炒

白附子生

天南星

剉湯洗焙乾各壹兩

乾蠍去毒壹錢

右為末湯浸寒食麩為丸如菉豆大仍於寒食麩

中養七日取出用每服五七丸至二十三丸空心

生薑米飲下量病勢漸加丸數服之寒食麩謂寒食日煮喫麩

取之以焙乾貯用也

釣藤飲子 治吐利脾胃氣弱虛風慢驚

釣藤朱錢半

蟬殼

防風去蘆

人參去蘆

麻黃去節

白殭蠶炒黃

天麻

蠍尾炒去毒各半兩

甘草炙

川芎各貳錢五分

麝香壹錢另研

一方有蜚螂參

筒去頭足炙黃

右為末每服一錢水一盞薑三片煎六分温服量

多少與之寒多者加附子半錢服無時

羌活膏 治脾胃虛或吐瀉後為慢驚者亦治傷寒

無不効

防風 去蘆

川芎

人參 去蘆

白附子 炮

赤茯苓 去皮各半兩

天麻 壹兩

白殭蠶 湯浸炒黃

乾蠍 炒去毒

白花蛇 酒浸焙各壹分

川附子 炮去皮臍

麻黃 去節各叁錢

肉豆蔻

沉香

母丁香

藿香葉

木香 各貳錢

輕粉

真珠末

牛黃 各壹錢伍分

龍腦 半字

麝香

辰砂

雄黃 各壹錢已上七味各另研 羌活 半兩

右為細末煉蜜作劑旋丸如荳大每服一二丸食前服或薄荷湯或麥門冬湯化下實熱急驚勿服

性溫故也

海藏返魂丹

治小兒諸癩癩潮發瘰癧口眼相引

項背強直牙關緊急目直上視及諸病久虛變生

虛風多睡者因在苒不解速宜服之

烏犀 剉屑

水銀

天麻 酒洗焙乾

檳榔 各半兩

殭蠶 去絲嘴微炒

硫黃 半兩研末入水銀置

磁石 右蓋內慢炒成沙火要着緊慢

白附子 炮

川烏 炒通赤留煙少許入碗內以新土圍之待冷取出

獨活 去蘆

乾蠍 炙

草薺 炒各壹兩

肉桂 去蘆皮

當歸 酒浸焙乾炒

細辛 根

欒 慢驚 慢脾風

切半二

五三

防風 去蘆

藿香 洗去土

沉香

白花蛇 酒浸一宿炙熟去皮骨

半夏 薑汁浸三宿炒

天竺黃 研

乾薑 炮

晚蠶沙 微炒

桑螵蛸 炒

虎骨 酒醋塗炙黃

天南星 姜汁煮軟炒黃

烏蛇 酒浸一宿炙熟去皮骨

槐膠

羶羊角 鎊

木香

茯苓 去皮

敗龜板 醋酒炙黃

白芷

砂仁

阿膠 碎

羌活

麻黃 去根

陳皮 去白炒巴上各壹兩

人參 去蘆

蔓荆子 去白皮

藁本 去土

何首烏 米泔浸一宿煮焙

白朮 泔浸一宿切焙

枳殼 炒去白

蟬殼 炒

石斛 去根

雄黃 研水飛

麝香 另研各壹錢

瓦瓶固濟火煨赤候冷取出研用

丁香

川芎

肉荳蔻 去殼微炒

硃砂 研水飛各壹兩

烏雞 壹隻去嘴翅足

厚朴 去皮薑汁塗炙各壹分

附子 水浸炮去皮尖

龍腦 另研

膩粉 另研

狐肝 叁具二味臘月內入

金箔 叁拾片為衣

右藥五十八味炮製如法煉蜜合和搗三五千下丸如桐子大金箔為衣每一歲兒溫薄荷自然汁化下無時

右間氏宗錢氏治慢驚法脉無力者宜之其法以

青州白丸子兼異功散老活膏温白丸釣藤飲子
之類服之至有徃徃死中得生者

湯氏法

凡吐瀉成虛風慢脾先用奪命散青州白丸子木煎
如稀糊入蜜調控下涎後服祛風醒脾等藥

奪命散方見後通治
急慢驚下

治虛風八仙散風盛者服之

白天麻

白附子

花蛇肉

防風

南星

半夏

冬瓜子

全蠍各等分

加川烏各等分

右咬咀每服一錢水半盞薑三片棗半枚煎二分
熱服加薄荷尤佳

醒脾散 昏困者服之

白木

人參

甘草

橘紅

茯苓

全蠍各半兩

半夏

木香各壹分

白附子炮肆筒

南星炮兩枚

陳倉米貳百粒一方無白木半
夏加蓮肉壹錢亦可

右為末每服一錢水半盞薑二片棗半箇煎二分
漸漸服之不可頓服頓服必吐

釀乳方

女馬慢放馬慢解風

切計二

五十四

人參

木香

藿香

沉香

橘皮

神麴

麥芽

各等分

丁香

減半

右咬咀每服四錢水一椀薑十片紫蘇十葉棗三枚煎至半椀乳母食後須去乳汁盡方取服之即仰臥霎時令藥入乳之絡次令兒吮數口不可過飽此良法也如嘔定一日急宜截風服八仙散兩日後宜醒脾散如前件藥俱用不効危困可憂須診太衝脉未絕者當灸百會一穴前後髮際兩耳尖折中乃是穴也方書所載但云頂上旋毛中殊

不審有雙頂者又有旋毛不正者庸醫之輩習循舊本誤人多矣灸後即當控涎用青州白丸子末再煎如稀糊入煉蜜調奪命散良久涎下細研靈砂米飲調旋抹口中漸看退證如風盛服八仙散昏困服醒脾散常令減乳乳母服釀乳藥如此調理無不愈者間有稟受不堅五行數短者雖神聖工巧不能奪其造化矣若涎已離膈但在喉中如鋸藥不能入又不可控當用別法捺之兼搐鼻噴嚏得出次服奪命散庶免再作

擦痰方

卷之三

五十二

五十二

川烏尖

蠍蛸朱攷

白附尖

各未箇去皮生用

石綠

少許

右為末一處和勻用軟雞翎蘸藥入喉中逐漸抽出頻用帕子拭之

右湯氏治慢驚法先用奪命散白丸子控涎候涎下一回用八仙醒脾等一回令乳母用釀乳法如危極者却灸百會及擦痰法但奪命用礞石氣虛者難用必與東垣益黃散相兼服之可也

陳氏法

治慢驚風先服芎蝎散用手法幹出寒痰冷涎自不

癡呆次服油珠膏後服益真湯温壯元氣時服前朴散寬上實下

芎蝎散治小兒腦髓受風顛顛開解皮肉筋脉急脹腦骨縫青筋起面少血色或腹中氣響時便青白色沫或嘔吐痰涎欲成慢驚搐足脛冷者

川芎

革撥各壹兩

細辛

半夏

酒浸一宿湯洗焙各貳錢

蠍蛸去毒壹錢

右細末一週兒抄一銅錢用數沸湯調稍熱饑服如痰滿胸喉中眼珠斜視速與服若目上直視不轉睛者難救或痰氣壅塞不能嚥藥用一指於兒

膠當作膠

喉膈中探入就幹去痰涎氣稍得通次用補脾益真湯或以油珠膏選用此方累世活人多矣

油珠膏

治氣逆嘔吐風痰作搐

滑石各半

石亭脂

取如蠟者

黑附子

炮去皮臍

半夏

南星

醋浸一宿湯洗七次焙乾各壹錢

右細末每服一錢用冷清薑汁半盞滴麻油一點如錢抄藥在油珠上須更墜下却去薑汁與兒服之更用清薑汁三五口嚥下肚饑服服訖後一時方與乳食

補脾益真湯

治胎弱吐乳便清而成陰癩氣逆涎

潮眼珠直視四肢抽掣或因變蒸客忤及受驚誤服涼藥所作

木香

當歸

人參

黃耆

丁香

訶子

陳皮

厚朴

甘草

肉荳蔻

剉裹煨

草菓

茯苓

白朮

桂枝

半夏

附子

炮各半兩

全蠍

炒每服加壹枚

右咬咀每服三錢水一盞半姜三片棗一枚煎六

分稍熟饑服服訖令採心腹以助藥力候一時方
 與乳食 渴者加茯苓人參甘草去附子丁香肉
 蔻 瀉者加丁香訶子肉 嘔吐加丁香半夏陳
 皮 腹痛者加厚朴良薑 咳嗽加前胡五味子
 去附子官桂草菓肉蔻 足冷加附子丁香厚朴
 惡風自汗加黃耆官桂 痰喘加前胡枳實赤
 茯苓去附子丁香肉蔻草菓 氣逆不下加前胡
 枳殼檳榔去當歸附子肉蔻 腹脹加厚朴丁香
 前胡枳殼
 前朴散 治心腹結氣或嘔噦吐瀉腹脹痛驚悸

前胡

白木

人參

陳皮

良薑

藿香

甘草

厚朴

各等分

右剉每服三錢水一盞煎七分稍熟空心服
 小兒誤服涼藥或用帛蘸水繳口因此傷動脾胃或
 泄瀉或腹脹或腹中響 小兒面少血色常無喜笑
 不省上而視下 小兒頤顛高急頭縫青筋時便青
 糞 小兒肥壯糞如清涕或如凍汁 小兒時時扎
 眼糞便青白沫有時乾硬 已上五證忽然嘔吐者
 必成陰癘俗謂慢驚是也小兒頭雖熱眼珠青白而

足冷或腹脹而足冷或瀉而足冷或嘔而足冷或瀉而足冷
頭熱目赤痰壅鼻喉咽皆無根之火逆也
已上五證忽然吐而作搐者名曰慢脾風速與補脾益真湯一服二錢重加蠟一枚如因驚而搐者前朴散一服二錢重加附子前胡各半錢同煎

右陳文忠治慢驚法其治之次第自成一家故另錄之以備採用其醫案所言芍蠟散油珠膏累累取効

曾氏左
冲和飲 治感冒風寒頭疼發熱肩背拘急惡心嘔

吐腹痛膨脹兼寒濕相搏四肢拘急冷氣侵襲腰足痛疼

蒼木 米泔水浸一宿去麤皮剉人參 去蘆

前胡 去蘆 枳殼 去穰 麩炒 微黃色

麻黃 去節 陳皮 去白各 川芎

白芷 湯洗七次 薑汁浸曬乾炒

當歸 酒洗 薄桂 去麤皮

赤茯苓 去皮各 乾薑 厚朴 去麤皮薑汁浸一宿

慢火炒乾 甘草 炙米 錢半

右剉每服一錢水一盞薑二十片葱十根煎七分無

時溫服傷冷惡心嘔吐煨薑同煎開胃進食加棗
子煎空心溫投寒疝痛入鹽炒茱萸懷香同煎

七寶散

治時氣傷風傷寒頭昏體熱咳嗽及脾胃
肺臟不和口中腥氣異常或牙縫微有鮮血兼調
理諸病後小證得中以其品味不僭不燥為佳

紫蘇去老梗

淨香附各參

甘草

陳皮去白

桔梗剉炒各

川芎

白芷各壹

石咬咀每服一錢水一盞薑二片煎七分無時溫
服痰嗽加梨半夏口腥氣入鹽煎調理諸疾加棗

子煎

六柱散

微

治吐痢泄瀉胃虛脾慢手足俱冷六脉沉

人參去蘆

白茯苓去皮

熟附子

南木香

肉苳蔻

白木六味各半兩

右碎每服一錢水一盞薑二片棗一枚煎七分不

拘時溫服

日生湯

治吐瀉痢後將傳慢驚慢脾神昏脉弱飲
食不進睡露揚睛晝輕夜重急宜投服

北南星

壹兩剉碎瓦罍盛東壁土同醋煮少時濃乾切片焙

人參去蘆

冬瓜子仁剉碎各伍錢

右件咬咀每服一錢水一盞半薑三片慢火煎七分候溫無時少與緩服投之急必吐

固真湯 主吐瀉痢後胃虛脾慢四肢口鼻氣冷沉

困不省人事

人參去蘆

附子湯浸泡裂去皮臍 白茯苓去皮

白木各貳錢伍分

山藥去黑皮 黃耆蜜水塗炙

肉桂去蘆皮

甘草濕紙裹煨透各貳錢

右件咬咀每服一錢水一盞薑三片棗一枚煎七分空心溫服或無時

醒脾散 主醒脾養胃止吐痢進飲食及調理病後

神昏目慢貪睡多困脉弱微有痰涎並宜投服

人參去蘆

白茯苓去皮 藿香葉

白朮

甘草炙各伍錢

丁香肆拾粒不見火

大南星搗錢剉作小塊紙裹水透濕炮過用

硝砂仁肆拾粒

右碎每服一錢水一大盞薑三片冬瓜子仁伍拾粒搗碎慢火煎七分空心緩投服之急必吐

沉香飲 治吐痢後神昏倦怠飲食減少脾胃氣虛

水穀不化或隨時直五心煩熱盜汗常出或聞食

心惡

沉香

丁香

南木香

藿香葉

陳皮

白木

半夏

白茯苓

肉苳蔻

粉草

白茯苓

肉苳蔻

右除沉香丁香木香不過火餘七味或曬或焙仍

同三味研為細末每服半錢至壹錢用紫蘇木瓜

煎湯空心調服棗湯亦好

天麻飲治諸般風搐不省人事

天麻

川烏

右剉每服二錢水一盞薑三片慢火煎若稀糊無

時勤與溫服

薛氏方

木附湯治風濕相搏身體煩疼不能轉側不嘔不

渴大便堅硬小便自利及風證頭目眩重等證

白木

甘草

附子

右為末入附子每服三錢薑五片棗一枚水煎服

愚按附子溫中回陽為慢脾之聖藥也如元氣未

脫用之無有不應須用每隻重壹兩參肆錢端正

不尖底平週圍如蓮花瓣者佳否則悞用川烏也

製法切去皮尖以童便浸之秋冬七日春夏五日

每日二換浸畢切作四塊以濕草紙包數層微火煨半日取出切開無白星為度如急用炮至裂紋即投童便中良久浸透切片如色白再微炙之氣脫甚者急生用亦効

太乙保生丹 治慢驚尚有陽證者

全蠍青者拾肆箇 白附子生用 真殭蠶

牛膽南星 蟬殼 琥珀

防風 朱砂各壹錢 麝香伍分

右為末米糊丸桐子大金箔為衣每服一二丸薄荷湯化下

聚寶丹 治慢驚

人參 茯苓 琥珀

天麻 真殭蠶 全蠍炙

防風 牛膽南星 白附子生用

烏蛇肉酒浸焙壹錢 朱砂半錢 麝香少許

右為末煉蜜丸桐子大每服一二丸菖蒲湯下

金箔鎮心丸 治風壅痰熱心神不寧驚悸煩渴唇

焦頰赤夜卧不安譫語狂妄

朱砂壹兩 白茯苓 人參

甘草各半兩 山藥壹兩 片腦

牙硝 各壹錢半

麝香 伍分

金箔 拾貳貼

草紫河車 貳錢半 黑豆煎者

右為末煉蜜為丸每用五錢作五十九以金箔為衣每服一丸薄荷湯化下含化亦得

天南星散

治慢驚驅風豁痰

南星

重搗玖錢者壹箇掘地坑深尺許先用炭伍觔燒通紅以好米醋一碗灑坑中即投南星以火炭密蓋文用盆覆時許取出

右為末入琥珀全蠍各壹錢每服一亭煎生薑防

風湯下

烏沉湯

治慢驚驅風助胃

天麻 貳錢

人參

真川烏 生用

全蠍 焙

南星 焙

木香

沉香 各壹錢

甘草 炒半錢

右為末每服三五分薑水煎服

沉香散

助胃氣止吐瀉

茯苓 貳錢

沉香

丁香

木香

藿香

厚朴 製

甘草 各壹錢

右為末每服壹亭米飲湯調下

蘇青丸

蘇合香丸 壹分 青州白丸子 貳分

右和勻每服五分薑湯調下

銀白散 治胃虛吐瀉

糯米 炒貳兩

扁豆 蒸貳兩

藿香 貳錢

白朮 炒壹兩

丁香 貳錢

甘草 炙叁錢

右為末紫蘇米飲調下直指方加炮白附子全蠍

木香石蓮薑水煎

釣藤散 治吐利脾胃氣虛生風

釣藤鈎 貳錢

蟬殼

天麻

防風

蝎尾 去毒

人參 各半兩

麻黃

殭蠶 炒

甘草 炙

川芎 各貳錢 伍分

麝香 伍分

右為末水煎服虛寒加附子壹錢

黑附子湯 治慢脾風四肢厥冷

附子 炒去皮 叁錢

木香

人參 各壹錢半

白附子 壹錢

甘草 炙伍分

右為散每服三錢薑五片水煎若手足既溫即止

後服

生附四君子湯 治吐瀉不思乳食凡虛冷病先與

數服以正胃氣

女為慢脾風

刀斗三

六五

人參 白朮 附子
木香 茯苓 橘紅
甘草 各等分

右為末每服五七分薑棗水煎服

辰砂膏 治慢脾冷痰壅滯手足冷而微搐者

黑附子 壹枚重壹兩以上者去皮臍頂上空壹孔入辰砂末壹錢仍用附子塞之炭火燒存性

牛膽南星 兩半 白附子 炮

五靈脂 蝎稍 各貳錢半

右為末煉蜜九桐子大每服二三錢生薑汁泡湯下

七寶辰砂丹 治風痰奇効慢驚慢脾以辰砂為主

木香佐之用開元錢一箇背後上下有兩月片者

放鐵匙上炭火內燒少頃成珠子取入盞中作一

服用木香煎湯送下人參湯亦可

觀音全蠍散 治小兒外感風寒內傷脾胃致吐瀉

不止遂成慢驚等證

全蠍 貳拾壹箇 天麻 炮 防風 去蘆

羌活 各半 川白芷 甘草 炙

扁豆 薑製 黃耆 蜜炙各 砂仁

赤茯苓 各伍錢

教為 慢脾風

切料

卷

右同為末每服壹錢用冬瓜仁煎湯不拘時調服

吉州醒脾散 治小兒慢驚神昏目慢多困有痰

人參 白朮 木香

白茯苓 白附子 天麻

全蠍炒 殭蠶去絲嘴炒

右剉碎每服二錢水一盞生薑三片棗一枚煎至

五分不拘時服

雜方

世治慢驚神効用壹粒丁香壹箇蠍壹字辰砂壹點血已上俱為末男用男左手中指血女用女右手

中指血蘸末擦唇上愈

本醒脾丸 治小兒慢脾風因吐利後虛困昏睡欲

生風癩

厚朴 白朮 硫黃入豆豉中煮三五沸

天麻 全蠍 防風

官桂 人參各壹錢

右為細末酒浸蒸餅和丸如雞頭大每十丸搥碎

温米飲下

蠍梢丸 治小兒胎虛氣弱吐利生風昏困嗜卧或

潮搐上

驚慢脾風

全蠍微炒

白附子煨裂各半兩 硫黃

半夏薑汁製焙乾各壹兩

右為末薑汁糊丸如麻子大每服三十丸荆芥湯下量兒大小加減服之

世治小兒慢驚風身冷瘈瘲方

天麻

防風

川烏

全蠍

去翅足薄荷葉包炒 南星

右咬咀等分水煎服

湯氏治慢驚方

真川烏

壹枚去皮生用 全蠍等分

右二件咬咀分二服水二盞薑十片煎半盞旋旋滴入口中

無陰癩即慢驚風

黑附子

生用去皮臍 南星生

半夏各貳錢

白附子

壹錢半

右研細井水浸七日每日換水浸訖控乾入硃砂貳錢麝香壹錢研勻每服壹字薄荷湯調下量兒加減一方用黑附子生去皮臍為末每服貳錢以水壹盞半生薑貳片煎至半盞分二服量兒加減吐者入丁香伍箇同煎空心服或水浸炊餅為丸

如粟米每服貳拾丸生薑湯下亦可

錢回生散

治小兒吐瀉或誤服冷藥脾虛生風成

慢驚大南星重搗錢已上者用地坑子壹箇深
叁寸許用炭火五斤燒紅入好酒半盞在內然後
入南星却用炭火叁兩條蓋在地坑上候南星微
裂取出剉碎再炒勻熟不可稍生放冷為末每服
半錢濃煎生薑防風湯調下

又方梓朴散

厚朴

半夏

湯洗七次薑汁浸
半日曬乾壹錢

右米泔三升同浸一百刻水盡為度如百刻水未

盡少加火熬乾去厚朴只將半夏為末每服五分
或一字薄荷湯調下無時

荳卷散

治小兒慢驚多因藥性太溫及熱藥治之

有驚未退而別生熱證者有因病愈而致熱證者
有反為急驚者甚多當問病幾日因何得之曾以
何藥療之可用解毒藥無不效宜此方

大荳黃卷

水浸黑荳生
芽是也曬乾

管仲

板藍根

甘草

各壹兩

右為末每服半錢水煎服甚者三錢藥水內入油
數點煎又治吐蟲服不拘時

右諸家雜治慢驚其首一方用人血蘸藥末擦唇者甚効後一方解藥太過之毒尤見錢氏憂入之切也

黃耆益黃散 治胃中風熱

黃耆 貳錢

人參

甘草 半生

陳皮 不去白 各壹錢

白芍藥 柒分

黃連 少許

白茯苓 肆分

右為麤末每服水二盞煎五沸去渣溫服

丹治而有熱者

人參

茯苓

白芍藥 酒炒

白朮

右入生薑煎服暑月加黃連生甘草竹葉煎服

陳明遠治小兒驚因脾虛肝乘之手足搐動四肢惡

寒而食少方

白朮 貳錢

茯苓 壹錢

右煎湯入竹瀝熱下龍薈丸二十九保和丸二十

丸

生氣散

丁香 叁字

白朮

青皮 各貳錢

甘草 炙

木香

人參 各壹錢

右為末每服半錢沸湯點服或用和劑方調氣散亦可

參苓白朮散見不能食

理中湯見吐瀉

王氏惺惺散

治小兒吐瀉脾弱內虛生驚

人參

茯苓

木香

天麻

扁豆

全蠍全炙

陳米炒各等分

右剉散每服二錢薑棗煎服

醒脾散 治吐瀉脾困不食痰作驚風

人參

白茯苓

白附子炮

天麻焙

甘草炙

石菖蒲下寸九節者

木香

石蓮肉

白朮各壹錢

全蝎焙半錢

右為末每三二字薑棗煎服有熱去木香或加南星

半夏陳皮陳米

大醒脾散 治吐瀉脾困不能食痰作驚風

南星

白茯苓

淨陳皮各壹分

全蝎焙

甘草炙

白附子炮

蓮肉

人參

木香各半

陳倉米貳百粒

右為末每服三字姜枣煎駢風醒脾二方通用亦可釀乳小兒胃虛不消乳食尤須節約
演山觀音全蝎散 因吐後傳慢驚候清神固氣補虛益脉開胃止吐

黃耆

人參 各壹分

木香

炙甘草

蓮肉 炒

扁豆 炒

白茯苓

白芷

全蝎

防風

羌活 各壹錢

天麻 貳錢

為末每錢棗半箇煎無時服慢脾尤宜服
湯氏醒脾散 吐瀉不止痰作驚風脾困不食

白朮

人參

甘草 炙

淨陳皮

白茯苓

全蝎 各半兩

半夏麩

木香 各壹分

白附 肆箇炮

南星 壹箇炮

陳倉米 貳百粒

演山加天麻殭蠶無陳皮半夏陳米
右為末每服一錢水半盞薑二片棗半箇煎時時服頻則吐

直指星香全蝎散

治慢驚風已傳昏迷痰搐

南星 濕紙煨 貳錢

木香

人參

淨陳皮 各壹錢

全蝎 炙貳箇

甘草 炙半錢

剉細每服一錢入紫菀薑棗濃煎旋以匙送下有熱加防風

烏蝎四君子湯

四君湯加生川烏焙過全蝎為末各少許每服半錢薑棗煎服如再服即去川烏

調氣散 治小兒慢驚之後以此調之

木香 香附子 人參

陳皮 藿香 甘草各等分

右剉散每服二錢薑三片棗一枚水一盞溫服

定志丸 見前 急驚

右方皆以參耆白朮甘草為主乃治慢驚之正藥也

黑附湯 即前黑附子湯無入參

金液丹

船上硫黃拾兩研細用磁合盛冷捌分水相赤小觀子盛承滿安合子在土又以鹽泥固濟以炭火煨二日三夜候冷取出為末

右以柳木槌乳鉢研極細每服二錢生薑湯下

生附四君子湯

右以四君子湯加生附子四分之一厥逆者對加每服一錢薑三片煎一匙送下

異功散

人參

甘草

右剉散每服三字薑棗煎一方無木香

天麻飲

大醒脾散

治慢脾風內虛昏悶不省

六柱散二方並見前

茯苓

橘紅

白朮

木香各等分

人參

全蝎焙

陳皮

丁香

茯苓

南星炮

石蓮肉

砂仁

木香炮

白朮

甘草炙

白附子炮各等分

陳米壹撮炒

右剉碎每服二錢用水一盞生薑三片棗一枚煎至五分不拘時服量兒大小加減與服

實脾散 治脾胃虛冷吐瀉不止乳食不進慢脾等證

人參

砂仁

陳皮

良薑炮

丁香

白茯苓

麥芽

石蓮肉

青皮

木香

白朮

神麩

乾山藥

冬瓜仁各伍錢

薏苡仁炒

治慢脾風

切

七

扁豆 姜炒

杏附子 炒

甘草 炙

陳米 炒各 貳錢

肉豆蔻 貳枚 煨

右為細末每服半錢或一錢用米湯不拘時調服

固真湯 方見前

右皆慢脾風之主藥也

通治急慢驚急驚合涼瀉慢驚合溫補此定法也其

間有急驚涼瀉而不愈變為慢驚有慢驚溫補而不

愈變為急驚者宜用通治急慢驚藥

湯奪命散 大能控風涎不問急慢驚風痰潮壅盛

塞於咽喉其響如潮名曰潮涎潮藥不能過咽命

天地之造化也

在須臾但先用此藥入喉痰即墜下功有萬全奪

天地之造化也

青礞石 壹兩入甘窩子同煎確壹兩炭火煨

右為細末急驚風痰壅上身熱如火用生薄荷自

然汁入蜜調微溫服之良久其藥自裹痰墜下從

大便出如稠涕膠粘乃藥之功也次服退熱祛風

截驚等藥慢驚風亦以痰涎潮上塞住咽喉藥食

俱不能入醫者技窮勢迫以待其盡但用此藥以

青州白朮再研為末煎如稀糊熟蜜調下其涎即

墜入腹次服花蛇川烏全蝎蜈蚣等藥

驚通治慢

刀圭

三五

大黑龍丸 治小兒急慢驚風神效方見急驚條

琥珀

辰砂

真珠母

青皮

甘草各貳錢半

青黛

蘆薈

柴胡

青礞石硝煨各半兩

天竺黃

膽星各貳兩

天麻

乳香各壹兩

雄黃壹錢半

右為末甘草膏丸如雞頭大慢驚參朮湯下急驚薄荷薑蜜湯下

曾氏鎮驚丸方見急驚

小兒急慢驚風

全蝎肆拾枚筒微炒黃

辰砂半兩研極細和勻

右取蚯蚓拾條洗淨入小瓶內以溫火煨蚯蚓化為水和丸如胡椒大每服三丸用順流水化下

小兒急慢驚風

僵蠶叁條

辰砂豆大壹粒

全蝎壹箇

真珠末壹撮

右末取蓬蒿中小蟲兒每壹箇研作壹丸如麻子大每一粒用乳汁下

保命丹本治小兒急慢驚風四肢逆冷眼直口噤涎

不正

虎睛

壹對安瓦上以瓦蓋之慢火逼乾

硃砂

半兩

全蝎

麝香各半錢

天麻

壹分

蜈蚣

貳條去頭尾赤脚者

右為細末煉蜜丸如大豆大瓦罐貯之又入腦麝膏定急驚薄荷蜜湯化下慢驚薄荷湯化下各三

丸

溫驚丸

一名粉紅丸

南星

為末入臘月牛膽中陰乾百日為末肆兩

硃砂

壹錢半

天竺黃

壹兩

坏子臘脂

半錢

龍腦

伍分另研

右用牛膽汁和丸如雞頭大每服一丸小者半丸沙糖水下

抱龍丸

治傷風瘟疫身熱昏睡氣麤風熱痰實壅

嗽驚風潮搐及蠱毒中暑沐浴後並可服壯實小

兒宜時與服之丹溪云抱龍丸心肝藥也

南星

如無牛膽者只將生者剉炒熟用肆兩

天竺黃

壹兩

雄黃

水飛

辰砂

另研各半兩

麝香

另研壹錢

右為細末煮甘草膏和丸皂莢子大溫水化下百日小兒每丸分作三四服五歲兒一二丸大人三五丸亦治室女白帶俟暑用鹽少許嚼一二丸新

汲水送下臘月雪水煮甘草和藥尤佳一法用漿水或新水浸南星三日候透煮軟三五沸取出乘軟切去皮只取白軟者薄切焙乾炒黃色取末搗兩以甘草貳兩半拍破用冰二碗浸一宿慢火煮至半碗去渣漸漸傾入南星末內慢研冷甘草水盡方入餘藥

琥珀抱龍丸會氏

抱龍之義抱者保也龍者肝也肝應東方青龍木生火所謂生我者父母也肝為母心為子母安則子安心藏神肝藏魂神魂既定驚從何生故曰

抱龍丸理小兒諸驚四時感冒風寒溫疫邪熱致煩躁不寧痰嗽氣急及瘡疹欲出發搐並宜可投其藥性溫平不慳不燥常服祛風化痰鎮心解熱和脾胃益精神

真琥珀

天竺黃

檀香細剉

人參去蘆

白茯苓去皮各壹兩半

粉草參兩去節

枳殼水浸去穢微炒

枳實水浸去穢微炒

硃砂伍兩先以磁石引去鐵屑次用水乳鉢內細杵取浮者飛過淨器內澄清去上餘水如此法二般精製

見硃砂壹兩

塊慢火炒令乾用

南星壹兩剉碎用臘月雄黃牛膽釀經一夏

山藥去黑皮壹斤剉作小

驚通治

幼科

七

金箔

百片去護紙取見成藥一兩同在乳鉢內極細杵仍和勻藥末用

右前拾貳味除硃砂金箔不入碾內餘拾味檀香不過火外玖味或曬或焙同研為末和勻硃砂金箔每壹兩重取新汲井水壹兩重入乳鉢內略杵勻隨手丸如雞頭子大陰乾晴霽略曬日色燥甚則折裂宜頓放當風處取其自乾治法並用葱湯無時化服或薄荷湯痰壅嗽甚淡薑湯下痘瘡見形有驚溫淨湯下心悸不安燈草湯下暑天悶迷麥門冬熟水下百日內嬰兒每丸作三次投二歲已上者止壹丸或貳丸其品劑修合之時但缺一

味不依製度必無効矣常用瓦瓶入麝香同收毋使散泄氣味入珍珠末壹兩合和名金珠散蓋珍珠能鎮心寧肝墜痰尤効治法湯使同前

又琥珀抱龍丸

專治小兒急慢驚風發熱咳嗽作

搐痰喘驚悸生薑薄荷湯下

時行痘疹發熱嘔

吐驚跳白湯下

傷風發熱咳嗽鼻塞驚哭葱湯

下因著驚發熱睡卧不寧燈心湯下

夏月發

熱嘔吐麥門冬湯下

因母發熱過乳溫熱不寧

甘草湯下

脾胃不和頭熱黃瘦懶食砂仁湯下

週歲小兒服

丸未及者半丸連進一二丸無

驚通治急慢驚

幼科

七

不効驗忌食魚腥生冷食乳者乳母同忌

琥珀貳錢半包在精猪肉內

牛膽南星壹兩陸錢臘月用牛膽作成者妙

雄黃 辰砂 人參 僵蠶貳錢炒

白茯苓各叁錢 天竺黃伍錢 釣藤全用鈎子壹兩伍錢

真正牛黃伍分 真麝香壹錢

右各味不可短少分釐碾為極細末用粉甘草八兩剉碎以水四大碗熬膏一盞入藥末為丸每丸五分重金箔為衣外用黃蠟包之一料二百丸

又琥珀抱龍丸 治病法如前

琥珀壹兩伍錢研 牛黃壹錢研 人參

檀香 白茯苓各壹兩半 硃砂研

玢珠各伍錢研 枳殼 枳實

牛膽南星 天竺黃各壹兩 山藥拾兩

甘草叁兩以上各為細末 金箔肆伯片 蜂蜜貳斤

黃蠟二十五斤

此藥一料五百丸每丸五分重專治嬰孩小兒諸驚四時感冒瘟疫邪熱煩躁不寧痰嗽氣急瘡疹欲出發搐並皆治之其藥性溫平不寒不燥驅風

通治急慢驚

切

化痰鎮心解熱安魂定驚和脾健胃添益精神蔥
白煎湯或薄荷湯下 痰壅咳甚生薑湯下 痘
疹見形有驚白湯下 心悸不安燈心湯下並不
拘時服初生數月者每丸作四次服或三分之一
或半丸數歲者每服一丸更量兒大小加減酌用
可也

世奪命散

治急慢驚風諸藥無効此藥隨手奏功

白附子 參錢

黑附子 炮去皮臍半兩 急驚不用

南星 炮壹兩

天麻 參錢

辰砂 另研貳錢半

防風

半夏 各半兩

全蝎 去毒每兩

蜈蚣 炙壹條

麝香 半錢

僵蠶 炒 慢驚不用

右為末三歲兒半錢薄荷生薑自然汁加好酒沸
湯各少許調服急驚加輕粉腦子各少許

太乙保生丹

見慢驚

湯治慢驚甚驗

赤脚蜈蚣

酒炙壹條

白僵蠶 炒 參錢

辰砂

另研壹字

全蝎

用薄荷葉包炙柒枚

青州白丸子 參拾丸

右為末入麝香少許慢驚人參麥門冬湯調下急
驚加腦子牛黃各少許金銀薄荷湯調下

羅天麻散

治小兒急慢驚風及大人中風涎盛半

身不遂言語艱澀不省人事

半夏 朱錢

天麻 貳錢半

甘草 炙

茯苓

白朮 各叁錢

右用水一盞入磁罐內煮藥令水乾將老薑三錢

同煮候乾為細末每服一錢五分薑棗湯調下

雄黃散 主暴中急慢驚風齁齕痰涎滿口及雨侵

閉汗不通或涼或熱坐卧生煩

雄黃 紅亮者 貳錢半

白藥 去黑皮

川烏頭 炮裂去

草烏頭 炮裂去皮

天麻 明亮者

川芎 伍味各半兩

右除雄黃外五味剉焙同雄黃為末驚風痰湧每

服半錢或一錢用薑汁茶清調下發汗薑葱薄荷

水煎併投二服取効

經治驚風墜涎天南星壹箇重壹兩者換酒浸七伏

時取出新瓦上炭火炙乾烈地上去火毒搗末入

朱砂貳錢半研為細末每服五分荆芥湯空心及

午時各調下一服

田天麻防風丸 治小兒驚風身熱喘急多睡驚悸

搐掣神昏痰涎不利等證

天麻

防風

人參 各壹兩

蝎尾 去毒半兩

甘草

硃砂

後馬治白風受毒

雄黃

僵蠶炒半兩

牛黃

麝香各壹錢

右為末煉蜜丸如櫻桃大硃砂為衣每服薄荷湯下一十九丸

雲七味羌活膏治急慢驚風壯熱

羌活

獨活

天麻

全蝎去毒

人參

僵蠶炒各半兩

烏蛇肉酒浸壹宿焙乾壹兩

右為末煉蜜和丸如皂子大每兩作五十九丸每服

一丸荆芥湯下

經治小兒驚風全蝎一錢不去頭尾用薄荷葉裹炙

乾同研為末作四服白湯下

衍治小兒驚風殭蠶蝎稍等分天雄尖附子尖共一

錢炮過為末每調一字薑湯調下

羅小兒驚風釀乳方用白羊頭一箇丁香同熬至熟

乳母空心盡食之

丹孫女因胎中受濕熱日午發搐唇黑面青每日作

一次未半週難與藥且釀乳飲之

白朮

陳皮

半夏

芍藥

青皮各伍分

人參

難與
釀乳

效言通治急慢驚

切科二

八

痰積
攻積
痼者

川芎
甘草 各壹錢

本通 各參錢
黃連 貳錢

右分八服薑五片與乳母煎服

小兒急慢驚風發熱口瘡手足伏熱痰熱痰喘痰嗽
並用涌法重劑以瓜蒂散輕劑苦參赤小豆末酒
酸薑汁調服之後用通神散蜜丸服之間以桑牛
陰乾研末調服以平其氣

本福銀丸 治小兒急慢驚風積痼

青黛 叁錢

水銀 一皂角子大同

寒食麵

黃明膠 炒焦為末 輕粉 炒豆

雄黃

粉霜

硃砂 各壹兩

巴豆 貳拾壹粒去油

腦麝 少許

右研細滴水為丸如麻子大捏扁曝乾篋盒盛之
壹歲壹丸隨意加減煎棗子湯送下不得化破
博治急慢驚風乳香甘遂各半兩同研細每服半錢
用乳香湯調下或用童便調下尤妙

劫風膏 治急慢驚搐臍風撮口牙關緊閉痰涎壅

盛咽喉腫痛

歲靈仙 土蘆壹兩半細

右用皂莢參兩去皮弦槌損挪溫水壹盞絹濾過

慢火熬若稀糊入醇醋半兩再熬三五沸去火候
冷用前藥末亭分乳鉢內杵勻丸芡實大先用鹽
梅肉擦牙根次以此膏壹丸或貳丸溫白湯濃調
抹入左右牙關內即開續進別藥熬時得瓦器為
上銀器尤佳及解風痰壅盛淡薑湯調化無時少
與含燕咽喉腫痛溫茶清調下或薄荷湯

以上諸方通治急慢驚風蓋謂虛實兩見急慢互
出故有通治之法合而言之急慢雖異皆本之於
痰故礞石星半之屬通能治之者也分而言之礞
石之屬瀉痰青黛之屬瀉火硃砂之屬瀉火皆治

氣實之劑參草之屬補土天麻全蝎之屬補木烏
附之屬補火又皆治氣虛之劑故補瀉兼施虛實
通治之法也

霹靂散 解急慢驚風不省人事

豬牙皂角 叁錢 細辛 川芎

白芷 叁味各 貳錢 躑躅花 壹錢半

右剉晒為末每以少許用大燈心叁寸長蘸點鼻
內得噴嚏為驗前藥不可焙焙則不應

目睛瞶動 瞶目者肝之竅也肝膽屬風木一經兼為
相火肝藏血血不足則風火内生故目睛為之瞶動

經曰曲直動搖風之象也宜用四物益其血柴胡山
梔清其肝陰血內榮則虛風自息矣若因肝經血燥
而自病者用六味丸以滋其源因肺金尅肝木者用
瀉白散以平金邪若眼睜動者肝木乘脾土也用
抱龍丸若愈後驚悸不寐或寐中發搐咬牙目睛瞶
動者血虛不能榮筋脉也用補中益氣湯或歸脾湯
加茯苓五味蓋有餘者邪氣實也不足者真氣虛也
凡病氣有餘當認為不足此證兼屬肝脾多為慢驚
之漸

唇口蠕動 辟唇為脾之華口乃脾之竅又陽明之脉

環唇口而交人中陽明胃也是以脾胃虛者多有此
證不獨病後而已夫脾主涎脾虛則不能收攝多兼
流涎或誤認為痰而用祛逐之藥則津液益枯不能
滋養筋脉遂致四肢抽搐病勢愈甚原其治法與慢
脾風相同當用大補脾胃之藥加升麻柴胡切勿用
青皮龍膽草之類兼察其色黃者脾弱也青者肝勝
也青黃不澤木來尅土也青赤相兼木火風熱也黑
為寒水反來侮土白為氣虛亡陽凡此宜用六君子
湯加小柴胡湯若四肢微搐或潮熱往來或泄瀉嘔
吐面色痿黃皆脾胃有傷也宜用白朮黃芪川芎當

歸人參陳皮肉豆蔻神麩乾葛白芍藥黃連炙甘草
白茯苓以補胃氣若脾胃虛弱者用五味異功散虛
寒加木香炮薑若脾氣下降者用補中益氣湯以升
其陽作渴者用七味白朮散以生津液若肝木侮脾
者用補中益氣湯加茯苓半夏芍藥以制肝補脾
目直視 醒小兒忽然驚搐目直者皆肝之風熱也若
肝虛生風則目連劄而不搐及多次咬牙若肝經風
實則目直大叫呵欠項急頓悶若肝經有熱則目直
視不搐得心執則搐氣熱則外生氣溫則内生其證
手尋衣領及亂捻物宜用瀉青丸壯熱飲水喘悶宜

用瀉白散凡病之新久皆能引肝風風內動則上入
於目故目爲之連劄若熱入於目牽其筋脉兩皆俱
緊不能轉視故目直也亦有飲食停滯中焦致清陽
不升濁陰不降肝木生發之氣不得升致生虛風者
須詳審之若胸滿腹痛嘔吐惡食輕則消導化痰重
則採吐滯積更須審其所傷寒物熱物亦有因感冒
吐瀉致使土敗木侮而生虛風者不可遽服驚藥宜
用六君子加芍藥木香柴胡制肝補脾若因脾土虛
而自病者用五味異功散凡飲食停滯痰涎壅滿而
見驚證者實因脾土虛弱不能生金金虛不能平木

故木邪妄動也宜健脾胃消食其證自愈若輒用驚風之藥反成其風而益其病也况臟腑脆嫩不可投以峻厲之劑治者慎之

睡中驚動 醒小兒睡中驚動由心腎不足所致蓋心主血與神肝藏血與魂肺主氣與魄腎主精與恐小兒臟腑脆弱易為驚恐恐則氣下驚則心無所依神無所歸且夫人之神氣寤則行於目寐則棲於腎今心腎既虛則不能寧攝精神故睡中驚動也治宜清心安神用茯苓補心湯加酸棗仁茯神五味子亦有驚赫而作者因擊動其肝故魂不安也治宜鎮驚定

魂用安神鎮驚丸若飲食間因驚而停滯者用六君子加神麴厚朴食既消而驚未定用茯苓補心湯若水火太過而心神不寧者用導赤散風熱相搏者用柴胡梔子散食鬱生痰驚動不安者用四君以健脾神麴半夏以化痰山梔芍藥以清熱

目動咬牙 醒小兒驚後目微動咬牙者皆病後亡津液不能榮其筋脉也亦有肝經虛熱而生風者當審其氣血有餘不足而治之其日中發熱飲冷而動者氣有餘也用瀉青丸夜間盜汗及睡不寧而動者血不足也用地黃丸或因肝經風邪傳於脾腎者亦令

咬牙先用柴胡清肝散次用五味異功散六味地黃丸若因脾胃虛熱用補中益氣湯加芍藥山梔實熱用瀉黃散蓋牙牀屬手足陽明故也若肝腎熱用六味地黃丸

泄瀉 小兒驚瀉者肝主驚肝木也盛則必傳尅於脾脾土既衰則乳食不化水道不調故泄瀉色青或兼發搐者蓋青乃肝之色搐乃肝之證也亦有因乳母脾虛受驚及怒動肝火而致者經曰怒則氣逆甚則嘔血及殮泄法當平肝補肺慎勿用峻攻之藥脾氣益虛肝邪彌甚甚至抽搐反張者亦肝火熾盛中

州虧損之變證也凡見驚證即宜用四君六君異功散等方加白附子定風柴胡平肝引經以杜漸則必不至瀉搐而自安矣今已見瀉吐驚搐尚不知補脾平肝以保命抱龍鎮驚等藥治之其亦去生遠矣

腹痛 蟬蛻釣藤飲 治肚疼驚啼

釣藤鈎 天麻 茯苓

川芎 白芍藥 甘草

蟬蛻 各壹兩

右入燈心水煎服

煩渴閻氏云驚風或泄瀉等證煩渴者皆津液內耗

也不問陰陽宜煎錢氏白朮散使滿意取足飲之彌多癒好

清心丸 治驚熱煩躁

人參

茯神

防風

朱砂

柴胡

金箔

右為末煉蜜丸如桐子大每服一二丸竹瀝調下

神芩丸 治風熱壅滯頭目昏眩口舌生瘡牙齒疳

蝕或遍身瘡疥咬牙驚惕怔忡煩躁作渴或大便

澀滯或積熱腹滿驚風潮搐等證

大黃

黃芩

生牽牛末

滑石

黃連

薄荷葉

川芎

右為末水糊丸桐子大每服三四丸溫熱水下

潮熱似瘧曾又有急驚天釣之後變作潮熱手足逆冷有似瘧疾蓋因病瘡之時不善將護外感風邪乘虛而入於經絡再未解散以致如此經曰重陽必陰又曰亢則害承乃制此其義也宜服柴胡加桂湯及當歸散氣實者則以烏犀丸水晶丹略與通利勻氣散止補後以參苓白朮散調理自然平瘡此證所用藥品間使苦寒之味務在消陽盛之火肺金得勝肝

木自平而風邪亦散斯為良法

柴胡加桂湯 見傷寒

當歸散 見劑

烏犀丸

水晶丹 並見癖積

勻氣散 見腹痛

參苓白朮散 見泄瀉

雜證類驚 海藏云心神不安四君子加辰砂半分棗

湯調下 又有一證欲發瘡疹先身熱驚跳或發搐

搦此非驚風當用發散藥 曾暑風一證因夏月感

冒風熱太甚致面垢唇紅脉沉細數忽發驚搐不省

人事治用消暑清心飲辰砂五苓散及琥珀拘龍丸

自安切勿以溫劑調補

消暑清心飲 解伏熱中暑煩躁作渴神氣不清及

有驚搐名暑風證投之即效

香薷 去老梗 澤瀉 去麤皮 各壹兩 扁豆 炒熟去殼研

淨黃連 羌活 猪苓 去皮

厚朴 去粗皮 薑汁浸透炒 白朮 乾葛

赤茯苓 去皮 升麻 川芎 各半兩

甘草 叁錢

右剉每服二錢水一盞煎七分無時帶涼服治暑

風證先投此劑得效次服却暑丹其搐不發矣

薛氏於急慢驚癇之外又出驚風一證其候虛惕怔

仲氣怯神散，痰涎來去，泄瀉色靛，蓋驚之輕而虛者也。若驚入心，則面赤，夜啼用梔子清肝散，加黃連入肝，則面青，眼竄用柴胡清肝散，入脾，則面黃，嘔吐虛汗，嗜卧用六君，加柴胡、山梔入肺，則面白，喘急用異功散，加柴胡、桔梗入腎，則面黑，齧牙用六味地黃丸。若因乳母恚怒，肝火或膏梁積熱，遺兒為患，或兒吐瀉傷脾，清氣不升，風木陷入太陰，傳變等因，皆能致此。當隨主治，否則必成慢脾也。須預慎防為善。

針灸 小兒急驚，灸前頂一穴，三壯。取法在百會前一寸，若不愈，灸兩眉心及鼻下人中一穴。炷如小麥大。

小兒慢驚，灸尺澤穴各三壯，在肘中橫紋約上動脈中。炷如小麥大。若睡中驚掣，灸足太指次指之端，去爪用，如韭葉許，各一壯。若角弓反張，身強，灸鼻上入髮際三分，三壯。次灸太樞下節間三壯。若睡中驚，不合眼，目灸屈肘後橫紋中三分，各一壯。

診錢 咬牙甚者發驚，目直面青，身反折者生驚。呵欠面青者驚風，呵欠面黃者脾虛驚，目赤兼青者發搐。

驚癇發搐，男發搐，目左視無聲，右視有聲，如發搐，目右視無聲，左視有聲，相勝故也。更有發時證，生古先

驚

多未二

九三

為木故左視木位无聲右視金位相擊則有聲女為金故右視金位无聲左視木位亦相擊有聲

李寺承子三歲發搐自卯至巳目右視大叫哭錢見曰此逆也男為陽本發左視無聲則順右視有聲則逆所以然者左肝木也右肺金也逆則二臟相戰金木相擊而有聲也治宜瀉強補弱假令女發搐目左視是肺來乘肝肝不能任故叫哭也當瀉其肺後治其心續治其肝若病在秋時日西肺無旺位當大瀉其肺若病在春時早晨此肝旺之時尚不能勝肺是肺強而肝火弱也當補其肝腎大瀉其肺若男發搐目右視是肝來勝肺而叫哭當瀉其肝心若病在春夏早晨

日中肝心旺時當大瀉其肝若病在秋冬時日晡此肺旺之時尚不能勝肝是肝強而肺極虛也當補其肺大瀉其肝所以言目反視者乃肝主目也凡搐則是風熱相搏於內風屬肝故外見於目也今此病男反女證故稍易治於女也先瀉其肺以瀉肺湯主之二日不悶亂知病退也後用地黃丸補腎三服後用瀉青丸各二服以瀉心肝五日而愈又肺虛不瀉者何也曰假令男目右視木克金肝旺勝肺而但瀉肝若更病在春夏金氣極虛故當補其肺慎勿瀉也湯凡搐男左女右為順易治男右女左為逆難治

驚季

切科二

卷三

脈訣啓蒙曰小兒脈促急爲虛驚 直指云浮數洪
緊爲急驚 沉遲散緩爲慢驚 虎口脈紋青紫爲
驚風 紅者風熱輕 赤者風熱盛 紫者驚熱
青者驚積 青紫相半驚積風熱俱有 主急驚風
青而淡紫伸縮來去主慢驚風 紫絲青絲或黑絲
隱隱相雜似出而不出主慢脾風 形勢灣入裏者
順 出外者逆

不治證 搐而不休 休而再搐 驚叫發搐 汗出足
冷 痰滿胸喉 口開目直 急驚 眼睛翻轉 口中出血 兩足擺跳 肚腹搐動 或

緩而摸體尋衣 或證篤而神昏 氣促噴藥不下 通關
不嚏 心中熱痛 忽然大叫者 不治 慢驚 四肢厥冷 吐
瀉咳嗽 面黯神慘 鴟聲胃痛 兩脇動氣 口生白瘡 髮
直搖頭 眼睛不轉 涎鳴喘溢 頭軟大小二便不禁 手
足一邊牽引者 皆爲不治 慢脾 身冷粘汗 直卧如
尸 喘嗽頭軟 皆直口噤 搖頭痰如牽鋸之聲 面無潤
澤之色 縮唇氣粗者 不治

禁忌 治小兒急驚方 搐不用驚擾 此不足畏 慢驚雖
靜乃危病也 急驚方搐時 但扶持之 不可擒捉 蓋風
氣方成 氣流入筋脈 或至手足成拘攣也

驚悸

薛人身有九藏心藏神肝藏魂二經皆主於血血虧則神竟失寧而生驚悸也經曰東方青色入通於肝其病發驚駭又曰二陽一陰發病主驚駭驚者心卒動而恐怖也悸者心跳動而怔忡也二者因心虛血少故健忘之證隨之用四物安神之類丹溪謂亦有屬痰者宜用溫膽湯加辰砂遠志之類若思慮便動虛也用養心湯時作時止痰也用茯苓丸觸事易驚心膽虛怯也用溫膽湯卧驚多麗血不歸源也用真

驚悸

初料二

九左

珠母丸夢寐不寧肝魂失守也用定心丸恐畏不能
獨處膽氣虛冷也用茯神湯睡臥煩躁膽氣實熱也
用酸棗仁丸眩運驚悸風痰內作也用本事辰砂遠
志丸思慮鬱結脾虛氣滯用歸脾湯前證雖曰屬心
與肝而血之所統實主於脾脾之志曰思思慮多則
血耗損而不能滋養於肝心者脾使之也思慮內動
未嘗有不役其心者夫心為君火之藏十二官之主
也夫君之德不怒而威無為而治故宜鎮之以靜謐
戒之以妄動動則相火翕合煽爍陰精精血既虧則
火空獨發是以驚悸怔忡之所由生五志之火心所

不能制者矣故治脾者不可不知養心養心者不可
不知鎮靜而寡慾然人孰無思也思之正則無妄動
之慾矣朱子曰必使道心常為一身之主而人心每
聽命焉此善養於心者也

溫膽湯 治心膽虛怯觸事易驚或夢寐不祥遂致

心驚膽懾氣鬱生涎涎與氣搏變生諸證或短氣
悸乏或復自汗膽虛不能制脾則脾之水飲作矣

半夏 湯洗 竹茹 枳實 麩炒

橘皮 去白各 甘草 炙壹 白茯苓 壹兩

右每服四錢水一盞半薑五片棗一枚煎七分食

煎服

寧志丸 治心虛多驚若有痰宜吐之

人參

白茯苓

茯神

栝子仁

琥珀

當歸

酸棗仁

温酒浸半日去殼

遠志

炒各半兩

乳香

朱砂

石菖蒲

各參錢

右為末蜜丸桐子大每服三十九食後棗湯下

茯神散 治五藏氣血虛弱驚悸怔忡宜用此安神

定志

茯神 去木

人參

龍齒

另研

遠志

去心

桂心

防風

獨活

酸棗仁

細辛

白朮

炒各參錢

乾薑

炮參兩

右為末每服四五錢水煎服蜜丸亦可

治要茯苓補心湯 治心氣不足喜悲愁怒衄血面

黃五心煩熱或咽喉間痛舌本作強

茯苓

肆錢

桂心

甘草

炒各參分

紫石英

煨

人參

麥門冬

去心各壹錢

大棗

貳枚

右水煎服

茯神湯 治膽氣虛冷頭痛目眩心神恐畏不能獨

處胸中煩悶

茯神 去木

梔子仁 炒

桂心

甘草 伍錢 炒

右每服五錢薑水煎

酸棗仁丸 治膽氣實熱不得睡卧神志不安驚悸

怔忡

茯神 去木

酸棗仁 炒

遠志 去心

酸棗仁 炒

白芍藥 炒

熟地黃 自製

黃耆 炒

五味子 杵炒

人參 各壹兩

栝子仁 炒

生地黄 杵各半兩

右為末蜜丸梧子大每服七八十九滾湯下

定志丸 治心神虛怯所患同前或語言鬼恠喜笑

驚悸

人參

遠志 去心各壹兩

茯苓 各壹兩 伍錢

菖蒲

右為末蜜丸如梧子大每服七八十九滾湯下

治要茯苓散 治心經實熱口乾煩渴眠卧不得心

神恍惚

茯神

麥門冬各一兩半

通草

升麻各一兩 貳錢半

紫苑

桂心各半錢 伍分

知母壹兩

大棗拾貳枚

淡竹茹伍錢

赤石脂壹兩半 錢伍分

右每服壹兩水煎

朱雀丸 治心病怔忡不正

白茯苓貳兩 沉香半兩

右為末蜜丸小豆大每服三十丸人參煎湯下

世傳蜜陀僧散 治驚氣入心絡不能語者昔有人

為狼及犬蛇所驚皆以此而安

蜜陀僧研極細末加粉

右茶清調一錢匕

丹溪朱砂丸 治勞役心跳

朱砂 當歸身 白芍藥

側柏葉各叁錢 川芎 陳皮

甘草 黃連炒各壹錢半

右用豬心血為丸粟米大每服百丸龍眼湯下

本事辰砂遠志丸 消風化痰鎮心安神

人參 石菖蒲去毛 遠志去心

茯神各一兩 川芎 山藥

白附子

麥門冬

細辛

鐵粉

辰砂各伍錢

右為末用生薑汁入水糊丸棗豆大以朱砂為衣
每服一二十九臨睡生薑湯下

加味歸脾湯去丹皮山梔即歸脾湯 治脾虛弱損

健忘驚悸等證

人參

黃耆

茯神去木各壹錢

甘草伍分

白木炒壹錢

木香伍分

遠志去心

酸棗仁炒研

龍眼肉

當歸

牡丹皮

山梔炒各壹錢

右水煎服

愚按前方若乳母憂思傷脾血虛發熱食少體倦
或脾虛不能統攝以致陰血妄行或健忘怔忡驚
悸少寐或心脾作痛自汗盜汗或肢體腫痛大便
不調或婦人經候不調晡熱內熱或爾唇流注等
證致兒為患者令子母俱服之
辰砂膽星膏 治小兒痰熱氣熱氣急喘嗽驚悸不
安

辰砂壹錢

牛膽南星一兩

琥珀

青礞石末各一錢

天竺黃二錢

甘草伍分

麝香 少許

右為細末煉蜜丸如芡實大每服半丸不拘時生薑湯化下

木通散 治小兒肝心有熱驚悸用此藥瀉肝風降心火利驚熱

羌活 山梔子 各貳錢 大黃 煨

木通 赤茯苓 甘艸 各壹錢

右剉每服二錢入紫蘇葉些少水一盞煎至五分不拘時服



